



資治通鑑考異卷第四

晉紀中

惠帝元康四年正月安昌公石鑿薨

本傳鑿封昌安縣侯今從帝紀

傳咸卒

三十國晉春秋元康四年七月傳咸為司隸五年五月始親職十月卒二書附年月多差

外故以本傳為定

五年十月武庫火

三十國晉春秋云閏月宋晉五行志云閏月庚寅今從晉書帝紀

八年九月李特入蜀

帝紀元康七年關中饑八年雍州有年而華陽國志三十國晉

春秋皆云八年特就穀入蜀今從之

九年正月出成都王穎為平北將軍

帝紀云以穎為鎮北大將軍今

從本傳

六月高密王泰薨帝紀云隴西王本傳云泰為尚書今改封高密紀誤

裴頌賈模張華議廢賈后賈后傳曰模與裴頌王衍謀廢之行後悔而止今從

頌傳

八月裴頌劉頌上表疏刑瀆志叙頌奏續頌表之下而云侍中太宰汝南王亮按

頌表引元康八年事時亮死已久蓋志誤也

永康元年正月帝紀天文志皆有己卯日食宋志無之按長曆己卯十七日安得日食

皇孫彪卒帝紀彪作霖按彪字道文不當作霖今從傳

八月石崇潘岳歐陽建被收崇傳曰崇建潛知其計陰勸淮南王允齊王問

圖趙王倫若崇果與允同謀允敗崇應惶遽不應被收時方宴於樓上蓋倫秀以舊怨誣殺之耳

以劉頌為光祿大夫三十國春秋云倫黨大怒謀害頌頌懼自殺頌傳云頌為光

尋病卒今從傳

十一月耿滕為益州刺史帝紀作耿勝載紀華陽國志作滕今從之

滕欲入州華陽國志曰戰於廣漢宣化亭殺傳詔按州郡俱治成都不容戰於廣漢又趙廡若

已與滕戰不應欲直入州今從載記

趙廡殺趙模陳摠帝紀廡又殺捷為太守李密汶山太守霍固按華陽國志捷為太守

李苾汶山太守楊邠非密固也載記亦作李苾蓋紀誤

廡自稱益州牧晉春秋云建號太平元年他書無之今不取

永寧元年正月趙王倫即帝位三十國春秋云倫將篡位義陽王威執詔

示嵇紹曰聖上法堯舜之舉卿其然乎紹厲聲曰有死而已終不有二威怒拔劍而出及惠帝遷於金墉

城唯紹固志不從直于金墉絕不通倫時人皆為之懼晉書忠義傳云倫篡紹為侍中惠帝復祚遂居其

職二說不同
今皆不取

趙廠殺李庠及其子姪十餘人載記曰及其子姪宗族三十餘人今從華

陽國志又國志庠死去年冬

三月羅尚使王敦討汶山羌死之帝紀在八月疑是洛陽始知今從華

陽國志

趙王倫使管襲討斬王盛處穆齊王冏傳曰冏潛與

發恐事泄乃與襲殺穆送首於倫以安其意今從三十國春秋

四月大戰于澳水趙王倫傳作激水今從帝紀

六月復封賓徒王晏為吳王晏傳自賓徒徙封代王倫誅復本封今從帝紀

齊王冏為大司馬成都王穎為大將軍錄尚書穎傳

穎詔王粹加九錫進位大將軍中外穎

號讓殊禮按穎在洛陽志已謂穎曰今當與齊王其

輔朝政明已有錄尚書之命但穎不受歸鄴故穎延

使粹追命之耳且穎功大於冏不應獨賞冏而穎未

賞也今從帝紀

路秀帝紀作路季今從齊王冏傳

八月齊王冏殺東萊王蕤帝紀六月庚午蕤與王與

為大司馬按誅輿詔已稱冏為大司馬則輿事覺

不應在冏為大司馬前今從三十國春秋在八月

九月東安王繇舉東平王楙鎮下邳帝紀八月楙為

月繇復爵按楙傳繇為僕射舉楙為平東故移在繇還後

太安元年慕容廆擊素怒延載記作素延下云素延

紀傳皆謂之素怒延然則怒是其名也

二年正月李特改元建初帝紀太安元年五月特自號大將軍載記太安元年特稱大將軍號年建初昭帝七年太安元年也祖孝徵脩文殿御覽云太安二年特大赦改年建初元年特見殺三十國晉春秋云太安二年正月特僭位改年今從御覽

蜀郡任叡載記作任明羅尚傳作任銳今從華陽國志

六月李雄殺陳圖華陽國志作陳峯今從載記

七月處士范長生華陽國志作范賢今從載記

涪陵徐舉華陽國志作徐輿今從載記

長沙王又徵李含為河南尹含傳云河間王顯表含為河南尹今從皇甫

張昌逃于下雋山帝紀八月庚申劉弘及張昌敗竄于下雋山明年秋擒斬之按弘斬張奕表云張昌姦黨初平昌未梟首故從昌本傳

八月以長沙王又為太尉都督中外諸軍事帝紀太安元年

十二月又誅齊王即以又為太尉都督中外晉春秋二年七月顯穎起兵乃以又為太尉都督以討之按齊王死後顯穎執朝政又未應都督中外又顯見為太尉又不應更為太尉今從晉春秋

十月戊申戰于建春門陸機傳云戰于鹿苑今從帝紀

孫拯下獄晉春秋作孫承今從晉書三

張方退屯十三里橋河間王顯傳云駃水橋今從帝紀

閏月羅尚留張羅守城載記作羅特今從華陽國志

永興元年正月癸亥東海王越收長沙王又越傳云殿中諸

將及三部司馬疲於戰守密與左衛將軍
朱默夜收又別省逼越為主今從又傳

甲子大赦改元帝紀太安二年十二月甲子大赦改元疑是一事

丙寅張方殺又帝紀三十國晉春秋云太安二年十

下謠曰草木萌牙殺長沙又以傳云初又執權之始洛

十七日死如謠言焉樂廣傳云成都王穎廣之婿也

及與長沙王又構難而廣既處朝望羣小讒謗之廣

以憂卒惠帝紀永興元年正月丙午樂廣卒若廣卒

時又未死即又傳正月二十五日廢為是合移在永

興元年正月而晉春秋太安二年八月樂廣自裁按

帝紀今年正月以穎為丞相遣兵屯城門代宿衛者

疑此皆又初死時事又今年正月末亦有甲子丙寅

今從又傳

十月劉淵遷都左國城下云離石大饑遷于黎亭則

典離石有南單于庭左國城然則

淵雖遷左國猶在離石縣境內也

淵即漢王位帝紀李雄劉淵稱王皆在十一月

入長安後華陽國志李雄十月稱王

本一作十二月三十國晉春秋

十六國鈔皆在十月今從之

范陽王虓等請降封大弟穎虓傳云與鎮東將軍周

長安還馥出為平東將軍都督揚州代劉準為

鎮東据此表張方猶存蓋自鄴還洛陽時也

十二月高密王略鎮洛陽惠紀作高密王簡按宗室

都督青州後遷都督荊州未嘗鎮洛陽蓋簡即略也

時雖有朝命而略不至或嘗鎮洛陽而本傳遺脫耳

二年六月拓跋猗卮斬漢將慕容母豚後魏書桓帝紀

及劉淵傳下云

淵南走蒲子按晉載記淵無走蒲子事下

云自離石遷黎亭蓋後魏書夸誕妄言耳

八月琅邪王睿請王導為司馬導傳曰元帝鎮下邳

元帝時為平東及徙揚州乃為安東司馬故但云司馬

十月詔劉弘彭城王釋等討劉輿

劉喬傳釋作繹帝紀宗室傳皆作釋

蓋喬傳誤帝紀八月車騎大將軍劉弘逐平南將軍彭城王釋于宛弘釋傳及衆書皆無之弘傳但云彭城前東奔有不善之言按弘晉室純臣劉喬與范陽鎮宛而弘肯更自逐之乎據此詔令弘釋共討劉輿疑無弘逐釋事帝紀必誤

十一月河間王顥遣呂劼收劉暉

暉傳云顥遣陳顏呂劼率騎五千收

暉按暉匹夫安用五千騎蓋劼時在洛顯敕使收暉耳說者欲大其事故云爾

十二月王浚以突騎資劉琨

琨傳云得突騎八百人按劉喬傳云琨率突騎

五千濟河攻喬疑八百太少或因下文迎東海王之數致有茲誤今闕疑

劉喬奔平氏

帝紀云喬奔南陽按地理志南陽無平氏縣或者南陽有東平氏而非縣與

吳王常侍甘卓棄官東歸

卓傳云州舉秀才為常侍討石冰以功賜

亭侯東海王越引為參軍出補離狐令棄官東歸選陳敏敏傳云吳王常侍甘卓自洛至按卓為常侍不應討石冰為離狐令不應自洛至今從敏傳

光熙元年三月李毅女秀守寧州城

懷帝紀永嘉元年五月建寧郡

夷攻陷寧州死者二千餘人李雄載記云南夷李毅固守不降雄誘建寧夷使討之毅病卒城陷毅壯士三千餘人送婦女千口於成都王遜傳云李毅卒城中奉毅女固守經年華陽國志有毅卒年月及女秀守城事

六月復羊后

后傳曰張方首至洛陽即日復后位按方傳首已久不至今日今從帝紀

司空越遣糜晃擊河間王顥

牽秀傳云顥密遣使就

糜晃等迎顥今從顥傳

李雄即帝位改元晏平晉帝紀三十國春秋皆云永興二年六月雄即帝位華

陽國志光熙元年雄即帝位後魏書序紀及李雄傳皆云昭帝十二年雄稱帝即光熙元年也十六國春秋鈔晏平元年六月雄即帝位十六國春秋目錄雄

年號建興二晏平五與華陽國志同今從之諸書雄改元晏平無大武年號惟晉載記改元大武無晏平

年號按雄國號大成魏書雄傳云雄稱帝號大成改年晏平故三十國春秋誤云改年大成載

記轉寫誤為大武今從諸書去大武之號

以范長生為天地太師華陽國志尊長生日四時八節天地太師今從晉載記

八月以范陽王虓為司空虓傳云為司徒今從帝紀

十二月南陽王模殺河間王顥三十國春秋云東海王越殺顥今從顥

傳

懷帝永嘉元年二月陳敏弟處勸敏殺顧榮等敏傳云

祖勸殺榮按晉春秋敏臨死謂處曰我負卿時祖已先死今從晉春秋

七月琅邪王睿鎮建業元帝紀曰東海王越之收兵下邳以帝都督揚州越西迎

大駕留帝居守永嘉初用王導計始鎮建業按既都督揚州不當猶鎮下邳又懷帝紀明言七月己未睿

都督揚州鎮建業今從之

九月王導說睿引顧榮賀循導傳曰元帝鎮建康居

從兄敦來朝導謂之曰琅邪王仁德雖厚而名論猶輕兄威風已振宜有以匡濟者會三月上己帝觀

敦導皆騎從王敦傳東海王越誅繆播後乃以敦為揚州刺史其後徵拜尚書不就周玘傳錢增聞劉聰

逼洛陽不敢進乃謀反時王敦遷尚書與增俱西欲殺敦敦奔告元帝懷帝紀永嘉元年七月琅邪王睿

鎮建業三年三月殺繆播四年二月錢增反是時睿在建業已三年矣安得言月餘又睿名論雖輕安有

為都督數年而士庶莫有至者陳敏得江東猶首用周顧以收人望導為睿佐豈得待數年然後薦之乎

然則導傳所云難以盡信
今刪去導語及敦名而已

十一月以王敦為青州刺史

晉春秋王衍言於太傅越以王澄為荊州敦為

揚州據吳楚以為形援越從之於是澄敦同發越越之敦傳自青州入為中書監東海王越誅繆播後始出為揚州播死在永嘉三年三月此年越在許昌不在洛故以晉書為定

十二月王彌劉靈降漢

彌傳曰彌逼洛陽敗於七里

十六國春秋靈為王讚所逐彌為苟純所敗乃謀降漢今年春靈已在淵所五月彌乃如平陽然則二人先降漢已矣彌傳誤也

以魏興太守王遜為寧州刺史

華陽國志以廣漢太守王遜為寧州按時

廣漢已為李雄所陷今從遜傳

二年正月丙午朔日食

帝紀天文志三丙子朔誤今從長曆

劉淵遣劉聰等據太行石勒等下趙魏

石勒載記曰元海使劉聰

攻壺關命勒率所統七千為前鋒都督劉琨遣護軍黃秀等救壺關勒敗秀於白田殺之遂陷壺關事在明年今從十六國春秋

二月西平太守曹祚

晉春秋作曹祗今從張軌傳

治中楊澹

晉春秋作張澹今從張軌傳

七月劉淵徙蒲子

劉琨答太傅府書曰僭遣使驛離間其部落淵遂怖懼一大于南奔

蒲子雜虜歸降萬有餘落琨傳亦然按時淵疆琨弱豈因畏琨而徙都蓋琨為自大之辭史因承以為實耳

氏會單徵降漢

載記作氏會大單于徵按當時戎狄會長皆謂之大徵即光文單后之父

于衍字也

十二月成尚書令楊褒卒

載記云丞相楊褒今從晉春秋

三年正月宣于脩之言於漢主

晉春秋作鮮于脩之今從載記十六國春

秋

夏石勒敗黃肅於封田

石勒載記肅作秀封作白今從十六國春秋及劉琨集

淮南內史王曠

十六國春秋作王廣今從帝紀

龐淳降漢

十六國春秋作劉惔劉琨傳作襲醇今從帝紀

白部鮮卑

劉琨集作百部今從後魏書晉書

劉琨自將擊劉虎

帝紀七月劉聰及王彌圍壺關琨使兵救之為聰所敗王曠等及聰

戰又敗龐淳以郡降賊十六國春秋淵五月遣聰攻壺關敗韓述黃肅六月晉遣王廣等來討七月戰於長平晉師敗劉惔以壺關降按劉琨集載六月癸巳琨答太傅府書曰聰彌一上黨龐惔不能禦又曰安

居走利韓述授首封田之敗黃肅不還浹辰之間名將仍珍又曰即重遣江陶都尉張倚領上黨太守疾

力輕行夜襲賊指棄輜車宵遁而退追尋討截獲三分之二當聰彌之未走烏丸劉虎構為變逆西招白部遣使致任補臣於淵殘州困弱內外受敵輒皆聰而討虎自四月八日攻圍然則琨討虎以上事皆在四月以前也蓋晉漢二史皆據奏報事畢而言之今依琨集為定

十二月李臻遣其子成擊王浚

燕書王誕傳成作威今從李洪傳

四年七月劉淵卒

十六國春秋八月丁丑淵召太宰歡樂等受遺詔已卯卒二未葬按

長曆七月壬戌朔十六日丁丑十八日己卯八月辛卯朔無丁丑己卯及辛未辛未乃九月十一日蓋淵以七月卒九月葬

十六國春秋誤

北海王義

載記作義按十六國春秋作義今從之

十月劉琨以地與猗盧

懷帝紀永嘉五年十一月猗盧寇太原劉琨徙五縣居之

六年八月辛亥劉琨乞師于猗盧表盧為代公宋書索虜傳在永嘉三年晉春秋在永嘉四年且云猗盧率萬餘家避難自雲中入鴈門後魏序紀在穆帝三年即永嘉四年也琨集永嘉四年六月癸巳上大傅府牋云盧感封代之恩故知在四年六月之前又琨與丞相牋曰昔車騎感猗盧救州之勲表以代郡封也為代公見聽時大駕在長安會值戎事道路不通竟未施行盧以封事見託琨實為表上追述車騎前意即蒙聽許遣兼謁者僕射拜盧賜印及符冊浚以此見責戎狄封華郡誠為失禮然蓋以救弊耳亦猶浚先以遼西封務勿塵此禮之失浚實啓之浚遂與盧爭代郡舉兵擊盧為所破紛錯之由始結於此鴈門郡有五縣在陜北盧新并塵官國甚彊盛從琨求於琨殘弱之計得相聚集未為失宜即徙陜北五縣著陜南盧因移頗侵逼浚西隨圍塞諸軍營浚不復見恕危弱而見罪責以此觀之盧非避難而來也

琨遣猗盧兵歸國

後魏序紀曰劉琨乞師救洛穆帝遣步騎二萬助之東海王越以洛

陽飢荒不許按琨與丞相牋曰琨碩身竭辭北和猗盧遂引大衆躬啓戎行即具白太傅切陳愚見取賊之計聰宜時討勒不可縱而宰相意異所慮不同更憂苟晞馮嵩之徒而稽二寇之誅遣使節抑挫臣銳氣臣即解甲遣盧衆歸國若猗盧果遣衆赴洛琨安得不言也

十一月加張軌鎮西將軍

帝紀云安西按惠帝永興二年已加軌安西將軍從

本傳

五年正月琅邪王睿使甘卓等攻周馥

帝紀戊寅春壽春馥衆潰未知其為命卓

壽春馥衆潰未知其為命卓之日與攻日潰日故闕之

三月丙子東海王越薨

帝紀五年正月帝密詔苟晞討越乙未越遣楊瑁裴盾共

擊晞三月戊午詔下越罪狀告方鎮討之以晞為大將軍丙子越薨晞傳晞移告諸州陳越罪狀帝惡越

通鑑考異卷四
專權乃詔晞施檄六州協同大舉晞移諸征鎮帝又
密詔晞討越晞復上表稱李初至奉被手詔卷甲長
驅次子舍垣五年帝復詔晞陳越罪惡詔至之日宣
告天下率齊大舉晞表稱輒遣王讚將兵請項越使
騎於成臯間獲晞使遂大構嫌隙晉春秋五年正月
上遣李初詔晞討越按越若已得晞使則帝亦不能
自安潘滔何倫等不容晏然在洛且滔等未去則帝
亦不敢明言使晞討越年月事迹既前後參差如此
今竝置於越薨
之時庶為不失

四月四十八王皆沒於石勒東海王越傳云三

六月丁未劉聰封帝平阿公帝紀聰以帝為會稽公

阿公晉春秋云平河公河字蓋誤十六國春秋云平
春秋明年二月乃封帝會稽公蓋先封平阿後進會

稽帝紀闕略
今從諸書

秦王業南奔密晉書愍帝諱鄴又改建鄴為建康按

又吳志孫權改秣陵為建業取興
建業為名皆不為阿鄴字今從之

中書令李緝閻鼎傳作李晔

七月王浚立皇太子晉書初無其名劉琨與丞相

子不知
為誰

九月劉粲殺南陽王模帝紀八月模遇害按劉琨上

世子時鎮隴右故
得無恙今以為據

十月猗盧遣子六脩助劉琨晉春秋作利孫按利孫

六年七月高喬郝聿以晉陽降漢劉琨傳曰屬龐醇

復反琨親出禦之粲乘虛襲取晉陽按琨上太子牋

日聰以七月十六日復決計送死臣即自東下率中
山常山之卒竝合樂平上黨諸軍未旋之間而晉
陽傾潰十六國春秋亦云琨收兵常山本傳誤也

九月賈疋等奉秦王業為皇太子

懷帝紀云賈疋討劉粲於三輔走之

關中、小定奉秦王為太子按賈疋等以永嘉五年攻劉粲於新豐粲敗還平陽奉秦王入雍城六年三月劉曜棄長安走秦王入長安漢兵皆已退矣秦王為太子時劉粲方在晉陽懷紀誤

十月猗盧遣其子六脩及兄子普根等攻晉陽

秋云遣子曰利孫宥六須載記云宿六須劉琨集云左右賢王又云右賢王撲速根今從後魏書

箕澹 十六國春秋後魏書計姬澹今從劉琨傳

漢人殺盧志 劉聰載記志勸大弟義作亂被誅按志勸成都王穎起義兵諫穎攻長沙王義

忠義敦篤始終不虧非勸人作亂者也今從盧謀傳

十二月賈疋戰死 帝紀曰疋討賊張連遇害疋傳天護攻之疋敗走墜澗死今從

國春

陸叅陸眷 石勒載記及後魏書作就陸眷今從王浚傳

末柸 後魏書作末波今從王浚傳

王敦屯豫章 王澄傳曰時王敦為江州鎮豫章按敦時為揚州刺史都督征討諸軍非為江

州也

王機入廣州 王澄死周凱敗王敦鎮豫章機入廣州紀傳皆無年月按衛玠傳玠依敦於豫

章以永嘉六年卒故附於此

王如降於王敦 如降亦無年月明年有如餘黨入漢中故附此

愍帝建興元年四月琅邪王睿用郗鑒為兖州 劉琨集建

興二年十一月壬寅朔與丞相賤曰焦求雖出塞鄉有文武膽幹苟晞用為陳留太守獨在河南距當石

勒撫綏有方琨以求行貢兖州刺史後聞荀公以李述為兖州以素論門望不可與求同日而論至於膽

幹可以處危權一時之用李述亦不能及求而王玄
年少便欲共討求現以求已與玄構隙便召還而州
界民物甚不安服述二千石及文武大姓連遣信使
求刺史是以遣兄子演代求領兗州事往年春正月
遣諸鄴至是斬王桑走趙固云云今勒據襄國逼近
鄴城故合演轉南演今治在廩丘而李述郗鑒竝欲
爭兗州或云為荀公所用或云為明公所用大寇未
殄而自共尋干戈此亦大費也輒救演謹自守而已
按王桑趙固之敗及石勒攻鄴皆在永嘉六年現牋
又云傳長安消息主上是秦王又建興二年十一月
丙申朔元年十一月壬申朔十二月壬寅朔然則現
發牋之日建興元年十二月壬寅朔也傳寫誤耳

九月荀藩薨於開封帝紀曰薨於榮陽今從藩傳

二年正月陳元達言女寵太盛載記元達等曰臣恐後庭有三后之事按

立三后在明年於時未也

二月劉琨移檄州郡琨集檄首云三月庚午朔五日

時晉陽尚未知也欲叙琨事畢然後叙勒事故置此

三月壬申石勒至薊三十國春秋先言癸酉勒取表曰勒以三月三日徑掩薊城然則當言壬申是也

五月己丑張軌薨帝紀作壬辰今從前涼錄鈔前涼錄鈔又曰葬建陵蓋張祚僭號後

追尊其墓

六月殷凱帥眾向長安晉春秋作殷凱今從魏允傳

三年三月漢改元建元十六國春秋建元元年在晉建興二年同編脩劉恕言今

晉州臨汾縣嘉泉村有漢太宰劉雄碑云嘉平五年歲在乙亥二月六日立然則改建元在乙亥二月後也

八月杜弢遁走道死弢傳云弢逃遁不知所在晉春秋云城潰弢投水死今從帝紀

以第五猗為安南將軍

周訪傳云征南大將軍今從杜曾傳

四年正月追謚吳王晏曰孝

本傳晏謚敬王今從愍帝紀

漢太宰河間王易

晉春秋易作士通今從載記

七月漢三后之外佩后璽者七人

劉聰載記日四后之外按時勅上皇

后已死唯三后耳云四誤也

十一月侍中宗敞

帝紀作宋敬今從晉春秋

十二月乙卯朔日食

帝紀天文志皆誤作甲申朔宋志乙卯朔與長曆合今從之

中宗建武元年五月壬午日食

帝紀天文志皆云五月丙子日食按長曆

是月壬午朔無子今以曆為據

十一月己酉朔日食

帝紀天文志皆云十一月丙子日食按長曆十月十二月皆

朔朔是月己酉朔二十八日丙子晉書元帝紀十一月有甲子丁卯若丙子朔則甲子丁卯乃在十月又

劉瓛集是年三月癸未朔八月庚辰朔皆與長曆合今以為據

太興二年蒲洪降趙

三十國晉春秋洪降劉曜在太興元年按元年曜未都長安晉

書洪載記無年但云曜僭號長安洪歸曜故置此年

三年六月閻步趙仰等殺張寔

晉書寔傳作閻沙趙仰又云寔知其謀收

劉弘殺之據晉春秋作閻步趙仰又弘死在寔被殺後今從之

四年十二月以慕容廆為車騎將軍平州牧

燕書云車騎大

將軍平州刺史按晉書載記先拜平州刺史尋加車騎州牧今從之

永昌元年十月王敦以王諒為交州刺史

諒傳永興三年敦以

諒為交州按永興三年即惠帝光熙元年也諒傳誤

肅宗大寧元年四月王敦移鎮姑孰屯于湖晉春秋及後魏

書僭晉傳云屯蕪湖晉書明帝紀云敦下屯于湖今從之

六月阮放卒放傳云成帝幼冲庾氏執政放求為交州下乃云逢高寶平梁碩還非成帝時

也放傳誤

二年六月温嶠與右將軍下敦守石頭敦傳云王敦表為征虜將

軍都督石頭軍事明帝討敦以為鎮南將軍假節今從明帝紀

詔有能殺錢鳳送首封五千戶侯晉春秋此詔在王

云有能斬送敦首封萬戶侯賞布萬匹按此詔云敦以隕斃是稱敦已死也不應復購其首今從敦傳

七月王含等水陸五萬敦傳及晉春秋皆云三萬今從明帝紀

周光斬錢鳳晉春秋云蕪淵弟良斬鳳今從敦傳

三年二月宇文乞得歸遣元子悉拔雄拒慕容仁燕書

行虜仁傳作悉拔堆後魏書宇文莫槐傳作乞得龜悉拔堆載記亦作龜燕書武宣紀作乞得歸悉拔雄今從之

四月石瞻攻兖州殺檀斌帝紀作石良今從石勒載記

顯宗咸和三年二月後趙改元太和晉春秋云勒即帝位改元太和

按勒建平元年始即帝位今從勒載記

四月温嶠從弟充晉春秋作從兄今從晉書嶠傳

五年六月趙以翟斌為句町王晉書春秋作翟真按秦亡後慕容垂誅翟

斌斌兄子真北走故知此乃斌也

九月趙王勒即帝位載記云自襄國都臨漳即鄴也按建平二年四月勒如鄴議營

新宮三年勒如鄴臨石虎第勒疾虎詐召石宏還襄國至虎建武元年九月始遷鄴是勒未嘗都鄴也

封彭城王子浚為高密王宗室傳作俊今從帝紀

十月楊謙退保宜都帝紀作陽謙今從李雄載記

七年正月趙主勒大饗羣臣晉春秋云陶侃遣使聘後趙趙王勒饗之按侃

與勒必無通使之理今不取載記云勒因饗高句麗宇文屋孤使今但云饗羣臣

九年十一月石虎稱居攝趙天王三十國晉春秋虎即位改元永熙陳

鴻大統曆云石虎即位改建平五年為延興明年改建武按三十國晉春秋不記弘改元延熙虎之立實

延熙元年也故誤云永熙弘既號延熙虎安肯稱永熙陳鴻云虎改建平五年為延興即是弘踰年不改元也恐

元說誤

咸康三年趙庭燎油灌下盤死者二十餘人載記云七人

國春秋

七月趙王虎殺太子邃燕書文明紀云咸康四年四月虎至燕城下會鄴使至

太子邃在後恣酒入宮殺害石主大恐狼狽引還又云初帳下吳胄使鄴還說四月浴佛日行像詣宮石

太子邃騎出迎像往來馳騁無有儲君體玉日古者觀威儀以定禍福此子虎之副二而輕佻無禮將不

得其死然及石主東歸留邃監國荒敗內亂以致誅戮按十六國晉春秋殺邃皆在咸康三年燕書恐誤

今從十六國晉春秋

六年九月燕王皝襲趙略三萬餘家燕書云略燕范陽二郡男女數

千口而還今從後趙燕載記

八年正月己未朔日食天文志作乙未今從帝紀及長曆

資治通鑑考異卷第四

資治通鑑考異卷第五

晉紀下

康帝建元元年七月桓温率衆入臨淮

帝紀温入臨淮下云庾翼

爲征討大都督遷鎮襄陽按翼傳翼先表移鎮安陸至夏口上表云九月十九日發武昌二十四日達夏口始請徙鎮襄陽始詔加都督征討諸軍事故知不在此月

八月燕王皝遣世子儁等擊代

後魏字紀八月慕容元真遣使請薦女無

用兵事今從燕書

二年正月宇文涉夜干

慕容皝載記作涉奕干今從燕書

燕王皝殺慕容翰

三十國春秋云永和二年九月殺翰燕書翰傳翰嘗臨陳爲流矢所

中病卧歲時不出入後漸差試馬按自討宇文後翰未嘗預攻戰自建元二年正月至永和二年九月已

踰年矣三十國春秋
恐誤今從載記翰傳

孝宗永和三年七月趙王虎遣將擊張重華遂城長

最晉春秋作上最
今從重華傳

五年四月拜慕容雋幽平二州牧雋載記云幽冀并
平四州牧從帝紀

五月石遵封世為譙王廢劉氏為太妃晉春秋及十
六國春秋及十

皆云廢太后為昭儀今從載記十六國春秋及載記
又云世立三十日按四月己巳至五月庚寅凡二

十二日

燕王雋講武戒嚴燕景昭紀集兵在四月時石虎方
死諸子未爭十六國春秋在五月

故從之而燕書戰封奕慕容興根言俱指年閏
按是時閏未篡趙蓋撰史者附會耳故削去

八月褚哀退還河北遺民二十餘萬死略盡
哀傳云為

慕容皝及苻健所掠死亡咸盡按是時慕容皝卒已
踰年矣永和六年慕容雋始率眾南征石鑿即位後

滿洪始有眾十萬永和六年洪死
健始嗣位皆與哀不相接今不取

六年閏月帝紀正月後云閏月三十國晉春秋皆云
閏正月按長曆閏二月帝紀閏月有丁丑

已丑按是歲正月癸酉朔若閏正
月即無丁丑已丑今以長曆為据

三月趙新興王祗即帝位晉帝紀祗即位在三閏月三
十國晉春秋皆在三閏月按

十六國春秋祗稱帝拜姚弋仲苻健官而
不言苻洪洪三月死故疑祗以三月即位

七年十一月樂陵太守賈堅燕書賈堅傳烈祖問堅
年對以受新命始及三

載烈祖悅其言拜樂陵太守按堅以去年九月獲於
燕至明年始三年若未為樂陵太守豈能安集諸縣

告諭逢鈞故知堅先已為
樂陵太守非因問年而授

八年正月冉閔殺劉顯閔殺顯晉帝紀在正月十六
國春秋鈔在二月燕書在三

月巳酉未知孰是今從帝紀

升平二年八月郝曇為荀美軍司

帝紀謝萬為豫州下云郝曇為北中

郎將督五州軍事徐充二州刺史曇傳云荀美有疾以曇為軍司頃之美徵還除曇北中郎將都督刺史按帝紀十二月北中郎將荀美及慕容儁戰于山在王師敗績燕書十二月荀美寇泰山殺太守賈堅載紀荀美殺賈堅下云敗美復陷山在次知八月曇未為徐充二州恐始為軍司耳

哀帝興寧元年閏八月張天錫弒玄靚

帝紀天錫殺玄靚自立在

七月今從晉春秋

十月朱斌克許昌

燕書作朱黎今從晉帝紀

二年八月慕容恪將取洛陽

帝紀慕容暐寇洛陽上云苻堅別帥侵河南按

明年恪拔洛陽堅親將以備潼關是未敢與燕爭河南也十六國春秋堅傳亦無此舉帝紀恐誤

三年二月桓沖監江州及荆豫

帝紀云中領南蠻校尉按江左唯荆州領

南蠻沖傳亦無蓋紀因桓豁重出字不取

海西公太和二年正月庾希免官

帝紀是月希有罪走入海按本傳海

西廢後希始逃于海陵此時才坐免官耳

五月秦使曹叡發使如燕朝貢郭辯副之

燕建熙八年

為太尉燕書及載記真傳郭辯至燕皆臣真為太討下晉春秋在建熙十年八月恐皆非是故附於曹叡

降秦

四年十二月王猛攻洛陽

燕少帝紀此年十二月王猛攻洛明年正月拔洛十

六國奏春秋十一月王猛伐燕遺慕容紀書紀請降十二月猛受降而歸今按獻莊紀云慕容合之奔還

鄴建熙元年二月也時王猛猶在洛又猛遺紀書云去年桓温起師故從燕書

五年八月慕容評將兵三十萬拒秦載紀四十萬今從晉春秋

太宗咸安元年十一月桓温使劉亨收東海王璽綬

帝紀三十國春秋亨皆作亨後魏書借晉傳作亨今從之

十二月庚寅東海王封海西公海西公紀云咸安二年正月降封今從簡

文帝紀

孝武帝太元元年五月苻堅伐張天錫周虓曰戎狄

以來未之有也虓傳曰呂光征西域堅出餞之戎士

何如虓曰戎夷以來未之有也按建元十八年二月虓謀夕徙朔方十九年正月呂光發長安故知在伐

涼州時今從十六國春秋

四年二月秦彭超據彭城謝玄傳云何謙進解彭城

秦春秋云超據彭城又云超分兵下邳留徐襄守彭城至七月以毛當為徐州刺史鎮彭城

王顯為揚州戍下邳是二城俱陷也

安帝隆安五年九月呂隆降秦姚興載記姚平伐魏

時魏書天興五年五月姚平未來伐晉元興元年秦弘始四年也晉帝紀晉春秋皆云隆安五年降秦十

六國西秦春秋云太初十四年五月歸隨姚碩德伐涼南涼春秋云建和二年七月姚碩德伐呂隆孤攝

廣武守軍以避之皆隆安五年也按秦小國既與魏相持豈暇更興兵伐涼蓋載記之誤也今以晉帝紀

晉春秋十六國西秦南涼春秋為據

義熙十二年二月姚興卒晉本紀三十國晉春秋皆

卒魏本紀比史本紀姚興姚泓載記皆云十二年按後魏書崔鴻傳太祖天興二年姚興改號鴻以為元

年故晉本紀三十國晉春秋凡弘始後事皆在前一年由鴻之誤也

宋紀上

高祖永初元年正月乞伏熾磐立其子暮末為太子

晉書作慕末宋書作乞佛茂蔓瓜從十六國春秋

二年九月殺零陵王宋本紀九月巳丑零陵王薨晉本紀九月丁丑據長曆九月丙

午朔無巳丑丁丑今不書日

營陽王宋本紀高氏小史皆作榮陽臧后謝晦蔡廡傳作營陽營陽南方郡名也今從之

景平元年正月魏叔孫建入臨淄索虜傳云虜又遣楚兵將軍徐州刺

史安平公涉歸嶗能健越兵將軍青州刺史臨淄侯薛道于陳兵將軍淮州刺史壽張子張模東擊青州所向城邑皆奔走本紀亦云安平公涉歸寇青州後魏書無涉歸等姓名蓋皆胡中舊名即叔孫建等也

二月巳巳檀道濟軍于臨朐裴子野宋略作乙巳長曆是月丁卯朔無乙巳也

巳必巳也

五月魏主還平城後魏帝紀五月庚寅還次鴈門庚寅車駕至自南巡必一誤今皆不取

太祖元嘉元年正月宋本紀正月癸巳朔日有食之宋紀二月巳巳宋略二月癸巳

李延壽南史二月巳卯朔皆誤也按長曆是年正月丁巳二月丁亥朔後魏書紀志是年無食今從之

六月癸丑徐羨之等殺廬陵王義真宋南史本紀二月廢義真徙新

安之下即云執政使使者誅義真于新安宋義真傳六月癸未羨之等遣使殺義真於徙所羨之傳亦云廢帝後殺義真於新安殺帝於吳縣按長曆六月庚寅朔無癸未蓋癸丑也

八月魏世祖自將輕騎討柔然後魏本紀云赭陽子尉普文率輕騎討之

虜乃退走李延壽北史紀云帝帥輕騎討之虜乃退定今據蠕蠕傳從北史

二年十月魏長孫翰等出黑漠翰傳云與娥清出長川今從蠕蠕傳

蛾清出栗園清傳云與長孫翰出長川今從蠕蠕傳

十一月以楊玄為北秦州刺史宋本紀癸酉西南史庚午按十一月壬午朔

無癸酉及庚午今不書日

三年十一月夏東平公乙斗奚升傳作乙升今從帝紀

五年二月魏安頡擒赫連昌十六國春秋鈔云奉光魏所敗昌與數千騎奔還魏追騎亦至昌河內公費連烏提守高平徙諸城民七萬戶于安定以都之四年二月魏軍至安定三城潰昌奔秦州魏東平公娥清追擒之送于魏與後魏紀傳不同今從後魏書

三月赫連定擒奚斤等宋索虜傳元嘉五年使大將吐伐斤西伐長安生擒赫連

昌于安定封昌為公以妹妻之昌弟定在隴上吐伐斤乘勝以騎二萬討之定設伏於隴山彈箏谷破之又自攻不克乃分軍成大城而還今從後魏書

十月徐州刺史王仲德伐魏後魏紀云淮北鎮將按軍徐州刺史宋書仲德傳闕又宋書南史本紀北史本紀及宋魏諸臣列傳魏劉裕傳宋索虜傳皆無是年王仲德等伐魏事唯後魏本紀有之今從之

七年十月崔模降魏宋書云模抗節不降投塹死按後魏書模仕魏為武城男宋書

乞伏慕末東如上邽後魏乞伏國仁傳云為赫連定所以遣烏訥等求迎宋氏胡傳云茂蔓闕赫連定敗將家戶及典國東征欲移居上邽今從十六國春秋

八年六月益州刺史慕利延寧州刺史拾虔十六國春秋作

沒利延拾堯
今從宋書

十一月北部敕勒後魏書北史本紀皆作敕勒別名也

九年十二月魏李順使涼後魏書順初奉冊拜沮渠蒙遜為涼州牧即有蒙遜

不拜及順使還論牧捷事南史順冊拜蒙遜還一拜都督四州長安鎮都大將開府徵為四部尚書加常侍延和初使涼始有不拜等事今據順云不復周矣

十年三月蕭思話為梁南秦二州刺史思話傳云楊難當寇漢中

乃用思話按本紀及氏胡傳難當寇漢中皆在十一月

涼王蒙遜立牧健為世子宋書十六國春秋作茂虔後魏書紀傳作牧健今從

十一年三月魏于什門還平城後魏書節義傳云什門在燕歷二十二年

按後魏本紀神瑞元年八月遣于什門招諭馮跋至此年二十一年矣若二十四年乃在太延三年而太延二年馮氏亡矣

十二年五月馬耆入貢于魏後魏書皆作烏耆云漢時舊國也按漢書作焉耆今從之

十一月楊難當使楊保宗鎮童亭後魏書作董亭宋書作童今從之

十三年四月燕尚書令郭生後魏古弼傳作大日古泥今從十六國春秋鈔

十六年九月沮渠牧犍兄子萬年降魏宋書氏胡傳曰茂虔兄子

萬年為虜內應茂虔見執今從後魏書

牧犍弟宜得安周宋書宜得作儀德安周作從子豐周今從後魏書

十月魏徙涼州吏民三萬戶于平城十六國春秋鈔云十萬戶今從

後魏書

十七年四月劉湛言天下艱難詎是幼主所御南史以為

義康有此言湛景仁並不荅按義康雖不識大體豈敢自為此言湛常欲推崇義康豈肯聞而不荅今從

宋書及宋略

五月湛以母憂去職南史云湛伏甲於室以俟上臨

事按湛若謀泄當即伏誅豈得尚延半歲今從宋書

十八年十二月詔裴方明等討楊難當氏胡傳作十九年正月遣

方明等今從帝紀

十九年七月以劉真道為雍州裴方明為梁南秦二

州方明不拜真道傳此事在胡崇之歿後氏胡傳崇之歿在明年二月即真道傳誤

魏安西將軍古弼宋索虜傳作吐奚愛弼氏胡傳作吐奚弼蓋其舊姓今從後魏書

唐契攻闕爽宋氏胡傳作闕爽今從後魏書

九月沮渠無諱將衛興奴宋書衛興奴作衛察今從後魏書

封無諱為河西王宋本紀封爵在六月傳在九月末今從傳

二十年四月魏河間公齊殺楊保宗苻逢等立楊文

德為主宋氏胡傳云拓跋齊聞兵起遁走達追擊斬齊因據白崖按後魏河間公齊傳云文德求

援於宋宋遣房亮之苻昭吹龍等率眾助文德斬龍禽亮之氏遂平以功拜內都大官卒然則宋書誤也

文德自稱秦河梁三州牧宋書在三月魏書在四月今從之

十一月魏主令太子副理萬機宋索虜傳是與大臣崔氏寇氏不睦崔寇

諳之玄高道人有道術是使祈福七日七夜佛狸夢其祖父並怒手刃向之曰汝何故信讒欲害太子佛狸驚覺下偽詔曰王者大業纂承為重諸宮嗣紹百王舊例自今已往事無巨細必經太子然後上聞事節小異今從後魏書

二十一年正月己亥藉田大赦宋略辛酉藉田大赦下有戊午又有辛酉

誤也今從宋書

二十二年八月鄯善王真達降魏本紀作真達興今從西域傳

二十三年二月魏人寇兗青冀三州宋文帝紀三月索虜寇兗豫青

兗刺史申恬破之魏太武紀二月永昌王仁至高平禽劉義隆將王章略金鄉方與遷其民五千家於河北高涼王那至濟南東平陵遷其民六千餘家於河北蓋宋魏各據奏到之月書之耳宋索虜傳又云虜破掠太原得四千餘口蓋魏人夸張其數故不同耳

五月檀和之等破林邑本紀在六月傳在五月當是六月賞檀和之等今從傳

八月魏破蓋吳傳首平城宋索虜傳云屠各反吳自攻之為流矢所中死吳弟

吾生率眾入木面山尋皆破散今從魏書

二十四年十二月魏晉王伏羅卒宋索虜傳曰燾所住屠蘇為疾雷所

擊屠蘇倒見壓殆死左右皆號泣晉王獨不悲燾怒賜死此出於傳聞今從後魏書

二十七年二月辛亥魏主至南頓宋書是月辛丑南平王鑠進號西平

辛巳索虜寇汝南按長曆二月壬辰朔十日辛丑二十日辛亥巳當作亥

三月參軍劉泰之後魏紀作劉拒之今從宋書

七月乙亥魏王買德棄城走宋略云虜濟州刺史王淮敗走虜支解王淮傳

示列戌今從宋書

王玄謨圍滑臺宋略九月庚申玄謨前軍次白馬與虜兗州刺史歌得跋戰破之玄謨進

攻滑臺從宋書

南平王鑠遣梁坦出上蔡鑠傳作到坦之今從宋略

十一月辛卯魏主至鄒山宋略云戊子至鄒山今從後魏書

魏洛州刺史張是連提宋略作張是連提今從宋書

魏永昌王仁追及劉康祖於尉武宋略及南平王鑠傳皆作尉氏按康

祖傳云去壽陽裁數十里然則非尉氏也今從康祖及索虜傳作尉武

康祖衆潰康祖傳云大戰一日一夜又云虜死者大半今從宋略

十二月己未魏兵至淮上魏本紀云丁卯至淮按宋略已未虜至淮西宋本紀

乙丑胡崇之等敗今從之

臧質使臧澄之營東山序傳作臧澄之今從帝紀質傳作澄之

質營於城南宋略云質屯野貽比今從宋書

魏主設氊屋於瓜步山魏帝紀云癸未車駕臨江起行宮於瓜步山蓋謂此也今

從宋書

魏主求婚不成魏帝紀云甲申義隆使獻百牢貢其方物又請進女於皇孫以求和好帝

以師昏非禮許和而不許昏使散騎侍郎夏侯野報之詔皇孫為書致馬通問焉此皆魏史誇辭今從宋書

二十八年二月魏主赦盧度世宋柳元景傳元景從祖弟光世先留鄉里

索虜以為折衝將軍河北太守封西陵男光世姊夫為司徒崔浩虜之相也元嘉二十七年虜主托跋壽

南寇汝賴浩密有異圖光世要河北義士與浩應接謀泄被誅河東大姓坐連謀夷滅者甚衆光世南奔

得免太祖以為振武將軍
與魏事不同今從後魏書

四月以魯秀為潁川太守

宋略云榮陽太守今從宋書

六月魏太子晃以憂卒

宋索虜傳云熹至汝南瓜步晃私遣取諸營鹵獲甚衆熹

歸聞知大加搜檢晃懼謀殺熹熹乃詐死使其近習召晃迎喪於道執之及國單以鐵籠尋殺之蕭子顯齊書亦云晃謀殺佛狸見殺宋略曰熹既南侵晃淫于內謀欲殺熹熹知之歸而詐死召晃迎喪晃至執之單以鐵籠捶之三百曳於叢棘以殺焉又索虜傳云晃弟秦王烏突斯與晃對掌國事晃疾之詐其貪暴熹鞭之二百遣鎮炮罕此皆江南傳聞之語今從後魏書

二十九年二月甲寅魏主被弒

宋書作庚申今從魏書

五月詔蕭思話等北伐

索虜徐爰張永傳並云王玄謨亦北伐玄謨傳中不曾行

蓋脫誤魏紀載六月劉義隆將檀和之寇濟州梁坦及魯安生軍于京索龐萌薛安都寇恒農都不言思話等而宋紀亦無此數人者至七月云韓元興討之和之退梁坦安生亦走不言思話之歸宋略有臧質造柳元景徇蕭散元景傳亦有之今從宋書宋略

七月張永等至碻磝

宋略七月壬辰永師及碻磝下又有乙酉壬辰按長曆此月丁

丑朔四日庚辰六日壬午十六日壬辰疑永以庚辰或壬午至碻磝非壬辰也

潘淑妃生始興王濬

太子劭傳云濬母卒使潘淑妃養之濬傳及文九王傳皆云濬

實潘子南史亦云淑妃養為子淑妃愛濬濬心不附今從濬本傳

十月魏皇孫濬即位改元興安

宋索虜傳熹以烏奕

子會熹死使人嬖宗愛立可博真為後宗愛博真恐為奕所危矯殺之而自亡號年承平博真懦弱不謂國人所附晃子濬字烏雷直勤嫡孫應立耳乃殺博真及宗愛而立濬為主號年正平與後魏書不同又云在二十八年皆宋書之誤也

十二月戊午魏陸侯進爵東平王魏紀云戊申按工有丁巳下有癸亥

不當中有戊申蓋戊午字誤耳

三十年正月東宮實甲萬人宋元凶劭傳云二十八

年彗星入太微掃帝座二十九

年十一月霖雨連雪太陽罕曜三十年正月風霰且雷上憂有竊發輒加劭兵衆東宮實甲萬人

按二十九年劭濬巫蠱事已發豈有因十二月及明年正月災異而更加劭兵今從宋略

癸亥夜劭為逆劭傳云二十一日夜按長曆是月甲辰朔宋略云癸亥夜乃二十日也今

從之

三月劭殺新渝懷侯玠劭傳作球今從長沙王道憐傳

辛卯臧質子敦等逃亡宋略庚申武陵王戒嚴辛亥臧敷逃按長曆是月甲戌朔無庚申辛亥又宋略上有甲申下有癸巳此必庚寅辛卯字誤也宋書敷作敦今從之

庚子武陵王移檄四方宋略移檄亦在庚申日按謝莊傳曰奉三月二十七日檄

然則發檄在庚子日也

四月癸亥柳元景至新亭宋略云壬戌元景次新林依山為壘按本紀癸亥元

景至新亭元景傳元景至新亭經日劭乃水陸出軍今從之

五月甲戌魯秀等攻大航元凶傳云其月三日按宋略甲戌乃二日也

七月南海太守鄧琬蕭簡傳作劉琬今從本紀

世祖孝建元年正月魯爽舉兵宋本統二月庚午爽臧質南郡王義宣徐

遺寶舉兵反義宣傳云其年正月便反宋略云二月義宣等反按爽之反帝猶遣質收魯弘則非同日反

明矣又按長曆是月戊辰朔然則庚午三日也義宣傳起兵在二月二十六日但不知爽反在正月與二

耳

三月巳亥內外戒嚴宋本紀宋略皆作癸亥下有辛丑按長曆是月戊戌朔癸亥二

十六日辛丑乃四日也當作巳亥

四月薛安都等斬楊胡興安都傳作胡興今從宗越傳

李延壽論魯爽此語本出沈約宋書吳喜黃回傳贊而延壽取之以約施用失所故絀其名

柳元景進屯姑熟垣護之傳作南州蓋南州即姑熟也

五月胡子反等守梁山西壘西南風急義宣傳曰五月十九日西

南風猛宋略曰巳亥質遣尹周之攻梁山西壘陷之按長曆是月丁酉朔三日巳亥八日甲辰十八日甲寅宋略於巳亥上有甲辰下有甲寅然則決非十九日與巳亥或者巳酉與辛亥也今不書日闕疑

六月義宣至江陵魯秀北走宋略云秀自襄陽敗退將及江陵聞敗北走從

書

大明二年十月遣龐孟虬救清口宋顧師伯傳云魏遣清水公拾遺救

文寇清口世祖遣孟虬及殷孝祖赴討魏本紀孝祖修兩城於清水東詔封救文擊之今從之

三年四月劉道隆宋略南史作道龍今從宋書

竟陵王誕殺垣閔宋略云巳亥殺閔按本紀乙卯賊誕爵今從之

內外纂嚴宋略乙亥纂嚴按長曆是月戊戌朔無乙亥蓋巳亥也

四年三月魏人寇北陰平朱提太守楊歸子破之宋

紀索虜寇北陰平孔提太守楊歸子擊破之宋略云索虜寇壯降平朱太守楊歸子擊破之按郡縣名無壯降平及孔提北陰平

參酌二書當為朱提

五年九月詔沈慶之位次司空宋略此事在戊戌按長曆是月甲寅朔無

戊戌

以歷陽王子顥為臨海王宋略作子瑱今從宋書

六年四月殷淑儀卒南史云殷淑儀南郡王義宣女也義宣敗後帝密取之假姓殷

氏左右宣泄者多死或云貴妃是殷琰家人入義宣家義宣敗入宮今從宋書

七年正月江智淵以憂卒宋略曰帝既以僧安辱智淵自是詆之無度智淵不堪其耻退而自殺今從宋書

太宗泰始元年七月華願兒言於廢帝曰官為鴈天子

子宋書作應天子宋略作鴈天子按字書鴈偽物也韓愈詩曰居然見真鴈書或作鴈今從宋略

十月少府劉矇妾孕臨月宋書帝紀作少府劉矇安王休仁傳作廷尉劉矇

宋略及南史帝紀皆作少府劉矇休仁傳作廷尉劉矇今從其多者

廢帝使朱景雲賜晉安王子勛死謝道邁等告鄧琬

請計子勛傳云景雲遣信使告琬宋略云帝使道邁齋救至潯陽琬謂道邁云云今從琬傳

姜產之產或作彥宋書宋略南史皆作產今從之

二年正月辛亥以山陽王休祐督諸軍西討宋略二月庚申

以休祐都督西討今從宋書

壬子路太后殂宋略南史皆曰義嘉之難太后心幸之延上飲酒置毒以進侍者引上衣

上寤起以其后上壽是日太后崩喪事如禮宋書無之今不取

三月以鄭黑為司州宋殷琰傳作鄭墨今從宋本紀宋略

六月始安內史王識之宋書作王職今從宋略

蕭願據郡起兵宋鄧琬傳云世子與南康相沈用之等據郡起義宋略亦云沈蕭之以郡

招義按願始自獄中劫出琬所署南康相不容便與之同今從蕭子顯南齊書紀

七月劉胡攻錢溪宋略曰胡進軍鵠頭遣其將陳慶以三百舸逼錢溪今從宋書

十月涼州刺史柳元怙宋略作元哲今從宋書

兖州刺史畢眾敬宋略作畢榛後魏書云小名榛今從本傳

命張永等迎薛安都後魏紀安都與常珍奇降皆在九月而宋本紀宋略遣張永等

出皆在十月今從之

常珍奇降魏宋略十二月甲寅珍奇復以郡叛蓋於時宋朝始聞之耳

畢眾敬子元賓先坐誅後魏書眾敬傳云元賓有宅罪或獨不捨之宋略云榛息

在都已誅矣今從之

三年正月張永等棄城夜遁宋本紀去年冬永攸之

其輜重敗王穆之于武原薛安都開彭城以納虜永

等引退虜追之王師敗績畢榛亦舉兖州歸虜遂失

淮北之地魏帝紀去年九月常珍奇薛安都內屬張

永沈攸之擊安都詔尉元救彭城西河公石救懸瓠

十一月畢眾敬內屬十二月己未次于柁周凱張永

沈攸之相繼退走今年正月癸巳尉元破永攸之於

呂梁東閏月沈文秀崔道固舉州內屬按青與今歲

始叛宋去年豈得已失淮北安都為永攸之所逼故

降魏豈得今年永攸之始次彭城安都始納魏兵乎

蓋去冬穆之等已敗退今春永大敗耳今從後魏帝紀

失淮北四州及豫州淮西之地後魏帝紀閏月沈文秀崔道固舉州內屬

宋索虜傳曰永攸之敗退虜攻青與二州執文秀道固又下書曰淮北三州民自天安二年正月三十日壬寅昧爽已前罪一切原免按青州破在五年淮北三州蓋謂徐司豫壬寅二十日壬子三十日也

二月魏西河公石攻張超宋帝紀云索虜寇汝陰太守張景遠擊破之景遠即

超也宋略七月張景遠先卒汝陰城又陷亦誤也今從後魏書

三月申纂為魏所殺宋略云七月纂戰死蓋贈官之月今從魏帝紀

四月魏尉元上表尉元傳先上表論取四城利害後乃云沈攸之欲援下邳遣孔道恭

擊破之按元以泰始二年九月受詔救薛安都此表云受命出疆再離寒暑又云今雖向熱猶可行師則

似上表時在四年春末夏初也又按沈攸之以三年八月出師尋即敗退則上表當在攸之敗後今此表

但言陳顯達循宿豫不言攸之救下邳又慕容白曜以四年二月十七日按歷城而此表欲釋青冀之師

先定東南之地則此表不在其年春末夏初決矣蓋再當作載是語助之辭非謂兩經寒暑也故置於此

七月遣沈攸之等擊彭城宋沈攸之傳宋略皆云帝怒攸之云卿若不行便可

使吳喜獨去按喜傳乃無與攸之討彭城事後魏書作吳信公不知即吳喜為別一人也

八月魏長孫陵等入東陽西郭暴掠沈文秀擊破之

文秀傳云八月虜蜀郡公拔式入西郭今從慕容白曜傳

十月徙義陽王昶為晉熙王宋帝紀在十月今從宋略

四年正月魏以高閭張讜對為東徐州刺史尉元傳沈攸之

既走元以書諭王玄載玄載與魯僧遵崔武仲相繼皆走遂以高閭與張讜對為東徐州刺史按三年十

一月乙卯始以讜為東徐州刺史則於時未降魏也故置於此

二月庚寅魏慕容白曜拔歷城東郭癸巳崔道固降

宋略云丙申索虜陷歷城執崔道固按後魏列傳道固表云以今月十四日臣東郭失守以十七日面縛

請罪長曆是月丁丑朔今從之

六年四月吐谷渾王拾寅宋本紀作拾虔今從後魏書

十月立皇子智隨為武陵王宋本紀作智贇宋略作贇列傳作智隨按太宗

生子皆筮之以卦為其字今從列傳

七年二月內外百官並斷俸祿宋本紀云日給料祿俸今從南史

帝密取諸主姬有孕者內宮中生男則殺其母宋書云閉

其母於幽房今從宋略

七月或譖蕭道成有貳心於魏南齊書云帝常嫌太祖非人

而民間流言蕭諱當為天子帝愈以為疑今從宋略

帝使吳喜賜道成酒南齊紀云太祖戎服出門遂即酌飲之喜還帝意乃解宋略云

道成懼弗肯飲將出奔喜語以誠先為之酌於是喜得罪而道成被徵蓋南齊書欲成太祖之美故云爾

今從宋略

八月魏顯祖傳位太子後魏天象志云上迫於太后傳位太子按馮太后若迫於

祖傳位當奪其大政安得猶惣萬機今從帝紀

秦豫元年二月王景文飲藥而卒南史云帝使謂景文曰朕不謂卿有

罪然吾不能獨死請子先之若使者有此語則坐客不容不知更終其碁局又曰景文酌酒謂客曰此酒不

可相勸自仰而飲之按焦度勸拒命必不對坐客言之何得死時客猶在坐也今從宋書

六月乙巳蒼梧王尊皇太后宋略本紀作癸未今從宋本紀

資治通鑑考異卷第五

資治通鑑考異卷第六

宋紀下

蒼梧王元徽二年五月壬午桂陽王休範反

宋書作壬子按

長曆此月辛未朔無壬子今從宋略

休範登臨滄觀以數十人自衛

張敬兒傳云左右數百人皆散走按休範

左右若有數百人黃回敬兒雖勇何敢徑往取之今從休範傳

陳靈寶送休範首棄之於水

南齊書云埋首道側宋略棄諸溝中今從宋書

杜黑驪攻新亭

宋書南齊書作墨蠡今從宋略

褚澄開東府門納南軍

宋書作撫軍典籤茅恬開東府納賊南齊書作車騎典籤

茅恬蓋皆謂褚澄傳耳今從宋略

六月休範使陳公昭遺沈攸之書攸之送之朝廷宋略

云桂陽遺攸之書署曰沈丞相攸之斬其使今從宋書

癸卯毛惠連降宋略作癸亥按下有戊申今從宋書

九月後魏帝紀使將軍元蘭五將三萬騎及假東陽王丕為後繼伐蜀漢不言勝負列傳處宋書言首

無之今不取

司徒左長史蕭惠明宋略作惠朗按魏朗不為司徒長史今從南史

四年六月魏馮太后鳩顯祖元行沖後魏國典云太后伏壯士於禁中太上

入謁遂崩按事若如此安得不彰而中外恬然不以為怪又孝文終不之知按後魏書及北史皆無殺事而天象志云獻文景崩實有鳩毒之禍今從之

順帝昇明元年端午太后賜蒼梧王毛扇宋略作太妃賜今從

宋書

六月蒼梧王殺杜幼文等南史云孝武二十八子太宗殺其十六餘皆帝殺之

按宋書孝武諸子十人早卒二人為景和所殺餘皆太宗殺之無及蒼梧時者南史誤也

蕭道成族弟順之齊高帝紀姚思廉梁書武帝紀自相國何至皇考二十餘世皆有及官位蓋史官附會今所不取

七月蒼梧王於臺岡賭跳南史作巒岡今從宋書

蕭道成開承明門而入齊高帝紀云衛尉承顏靈寶窺見太祖乘馬在外竊謂親

人曰今若不開內領軍入天下會是亂耳按靈寶若語所親則須有知者豈得宿衛晏然不動今從宋後廢帝

紀

十月氏楊文度遣弟文弘陷仇池魏書本紀作楊暉氏傳作胤皆避顯

祖諱

李訢信用范擿弟瑛諫

魏典擿作劉瑛作璞今從後魏書

十二月魏軍至建安楊文弘棄城走

是年魏置閩在十一月宋之十

也

劉韞入直門下省

南齊書韞作愠今從宋書南史

王蘊帥部曲數百向石頭

宋書云齊王使蘊募人已得數百宋略云是夕徵其

私衆倏忽之間被甲數百莫知所從出按道成素已疑蘊必不使之募兵宋略近是也

戴僧靜殺袁粲父子

南史云僧靜奮刀直前欲斬之

莫不隕涕粲曰我不失忠臣汝不失孝子仍求筆作啓云臣義奉十八宋策名兩畢今便歸魂墳隴永就山丘僧靜乃并斬之按時僧靜掩粲不備挺身直往安

肯容粲作啓從容如此宋書皆無此等事今不取

閏月癸巳沈攸之至夏口

沈約齊紀十一月攸之遂謀為亂張敬兒遣使詣攸

之慶冬攸之呼使人於密室謂之曰奉皇太后令得索司徒劉丹揚諸人書呼我速下可合雍州知此意

各敬兒書曰信口一二而封雞毛桃耳數物置函中敬兒賀冬使即乘驛白公十二日壬辰攸之遣孫同

等先發十七日丁酉張敬兒使至十八日戊戌公率衆入鎮朝堂閏月十四日癸巳攸之至夏口按是歲

宋曆閏十二月庚辰朔魏曆閏十一月庚戌朔然則冬至必在十一月晦攸之對敬兒賀冬使者猶隱祕

豈可十二日巳發兵東下乎又攸之若十二日巳舉兵於江陵豈可六十餘日始至夏口又宋順帝紀十

二月攸之反丁卯齊王入守朝堂丁卯乃十二月十八日也閏月癸巳攸之圍郢城攸之傳十一月反十

二月十二日遣孫同等東下閏月十四日至夏口宋略十二月沈攸之作亂丁卯蕭道成入屯朝堂閏月

癸巳攸之師及郢州南齊高帝紀十二月攸之舉兵乙卯太祖入居朝堂諸書大抵略相符合惟齊紀不

同蓋齊紀之誤今不取

二年正月沈攸之帥眾過江軍遂大散宋略云甲辰攸之眾潰西

逃乙巳華容民斬其首按是月巳酉朔無甲辰乙巳

張敬兒至江陵宋略云辛未敬兒克江陵按巳巳攸之以敬兒據城走死不容敬兒至辛

未乃入城也

齊紀上

太祖建元元年五月賞佐命之功褚淵王儉等進爵

增戶南史崔祖思傳曰帝將加九錫內外皆贊成之祖思獨曰公以仁恕匡社稷執股肱之義君子

愛人以德不宜如此帝聞而非之曰祖思遠同荀令豈孤所望也由此不復處任職而禮見甚重垣崇祖

受密旨參訪朝臣光祿大夫垣闕曰身受宋氏厚恩復蒙明公眷接進不敢同退不敢異冠軍將軍崔文

仲與崇祖意同及帝受禪闕存故爵文仲崇祖皆曰侯祖思加官而已按宋朝初議封帝為梁公祖思啓

高帝曰識云金刀利刃齊刈之今宜稱齊實應天命從之然則祖思安得誠節於宋今刪之

丙寅追尊考妣南史在四月甲午今從齊書

十月初帝在淮陰欲附魏遣書結王玄邈房叔安勸

玄邈不答南史云仍遣叔安奉表詣闕告之帝於路執之并求玄邈表叔安曰王將軍表上天

子不上將軍且僕之所言利國家不利將軍無所應問荀伯玉勸帝殺之帝曰物各為主無所責也按太

祖時為邊將若執叔安又不殺便應不復為宋臣齊書無此事今不取

十一月謝天蓋欲附魏韋珍引兵應接豫章王嶷遣

蕭惠朗助蕭景先討天蓋齊蕭景先傳云天蓋與虜相構扇景先言於督府豫

章王遣惠朗助景先討天蓋黨與虜尋遣偽南部尚書類跋屯汝南洛州刺史昌黎王馮莎屯清丘景先

嚴備待敵虜退魏韋珍傳云天蓋自署司州刺史規以內附事泄為道成將崔惠景所攻圍詔珍率在鎮

通鑑卷一百一十五

士馬度淮接時道成聞珍將至遣將苟元賓據淮
逆拒珍珍腹背奮擊破之天蓋尋為左右所殺降於
慧景珍乘勝馳進又破慧景擁降民七千餘戶內徙
表置城陽剛陵義陽三郡以處之按魏將無類跋馮
莎而慧景亦非討天蓋之將蓋時二國之史各
出傳聞疑有訛謬今約取二史大槩而用之

帝遣王洪範約柔然寇魏齊書作王洪

二年正月以褚淵為司徒不受齊書建元二年正月

戊戌以淵為司徒四年六月癸卯以司徒褚淵為司
空八月癸卯司徒褚淵薨淵傳二年為司徒又固讓
四年寢疾遜位改授司空及薨又曰司徒奄至薨逝
蓋二年正月辭十二月受耳紀傳前後各不相顧

崔孝伯攻魏龍得侯等殺之齊紀作龍涓

北上黃蠻文勉德寇汝陽齊紀作文施

五月王圖南崔慧景破李烏丸魏書帝紀八月慧景

十月徐州民桓標之為寇魏書蘭陵民桓富蓋

三年二月桓康拔魏樊諧城齊紀作樊階

魏議者欲盡殺道人齊書魏肅傳咸陽王禧時尚幼太和九

年始封
恐非也

巳酉垣崇祖破魏師齊書作丁卯按是月辛

三月魏滅桓標之等掠三萬餘口歸平城魏書云南

破蕭道成游擊將軍桓康於淮陽道成豫州刺史垣
崇祖寇下蔡昌黎王馮熙擊破之假梁郡王嘉大破
道成將俘獲二萬餘口送平城
今從齊書齊紀亦以魏書參之

世祖永明二年十一月乙未魏李彪來聘齊紀十二

使李道固至
今從魏帝紀

三年七月魏立梁彌承為宕昌王齊書是歲八月丁巳以行宕昌王梁

彌頡為河涼二州刺史六年五月甲午以彌承為河涼二州刺史今從魏書

四年六月辛酉魏主如方山魏帝紀是日幸方山七月戊戌又云幸方山皆

不言還宮蓋闕文耳

五年五月魏公孫邃張儵寇舞陰齊書魏虜傳云儵安南將軍遼東公

平南將軍上谷公又攻舞陰魏書帝紀云詔南部尚書公孫文慶上谷公張伏于南討舞陰按公孫邃傳

邃字文慶與內都幢將上谷公張儵計蕭頤舞陰戌蓋伏于而儵字也

七月高車阿伏至羅自立為王魏書高車傳云在太和十一年蠕蠕在十

六年今從高車傳

八年四月魏陽平王頤帝紀作熙又作頤今從本傳

八月河南王世子伏連籌齊書作士子休留成今從魏書

蕭順之縊殺巴東王子響齊書日子響部下恐懼各賜死蓋蕭子顯為順之諱耳今從南史

十二月孔顛上言齊紀作孔凱今從齊書南史

九年二月魏著作郎成淹遷侍郎楊松玠談藝作朱郎遷著作郎今從魏書

八月乙巳魏帝問群臣禘祫之義禮志作太和十三年五月壬戌今從

本紀

十年正月壬戌魏主詔承晉為水德禮志太和十五年正月穆亮等

言云云按帝紀十六年正月壬戌詔定行次以水承金蓋志誤以六為五耳

七月吐谷渾世子賀虜頭魏吐谷渾傳作賀魯頭今從帝紀

八月魏陽平王頥陸獻擊柔然魏帝紀太和十一年八月壬申蠕蠕犯塞

遣平原王陸獻計之事具蠕蠕傳十六年八月乙未詔陽平王贖左僕射陸獻計蠕蠕按蠕蠕傳無十一年犯塞及征討事唯有十六年八月贖獻出征事與紀合蓋十一年紀誤也

十一年三月遣呂文顯曹道剛收王真殷獻勸真錄

取真納之南史真子彪議閉門拒命獻諫曰今開門白服接臺使不過隙官免爵耳彪堅執不

開獻又請遣典義間道送啓真從之典義出城爲文顯所執獻曰忠不肯國勇不逃死勸真仰藥按獻與彪同誅今從齊書

王肅犇魏南史真弟份自拘請罪帝宥之肅屢引魏人至邊帝謂份曰此有北信不份曰肅近忘墳相寧遠憶有臣按真以三月死帝以七月殂是冬肅始見魏主於鄴南史誤也齊書無此語

九月魏穆亮與支酉戰兵敗齊書穆亮作繆老生今從魏書

高宗建武元年三月壬申魏主至平城魏帝紀作閏三月齊曆之三月也

四月庚辰魏罷西郊祭天魏帝紀禮志北史紀皆云三月庚辰按長曆三月丙午朔無庚辰魏閏二月齊閏四月魏三月乙亥朔齊曆之四月也故置于此焉

五月甲戌朔日食齊魏書帝紀皆無此食今據齊書志南史紀

九月乙亥纂嚴齊帝紀作乙未按是月壬申朔而止有癸未下有乙酉丁亥蓋癸未當作癸酉乙未當作乙亥耳

何昌寓拒徐玄慶臨海王昭秀得還建康南史明帝使裴叔業齋旨詔昌寓令以便宜從事昌寓拒之曰臨海王未有失寧得從君單詔邪即時自有啓問須反更議叔

業曰若爾便是拒詔拒詔軍法行事耳荅曰能見殺者君也能拒詔者僕也叔業不敢逼而退昭秀由是得還都今從齊書

十二月魏盧淵韋珍攻赭陽齊書作盧陽烏韋靈智按陽烏淵小字靈智珍

也字

二年四月房伯玉等敗魏薛真度於沙場齊書魏虜傳真度敗

在建武元年下魏帝紀城陽王鸞以敗軍獲罪在太和十九年五月今從之

三年正月丁卯以楊崇祖為沙州刺史齊本紀作丁酉按長曆是

月乙丑朔無丁酉下有已巳當作丁卯

魏主改功臣姓魏初功臣姓皆複重奇薛孝文太和

用新姓不用舊姓宋書索虜傳南齊書魏虜傳

可稱者蓋其舊姓名耳今並從魏書以就簡易

魏薛宗起入郡姓北史薛聰傳聰為羽林監帝曾與

人謂卿諸薛是蜀人定是蜀人不聰對曰臣遠祖廣

德世事漢朝時人呼為漢臣九世祖永隨劉備入蜀

時人呼為蜀臣今事陛下是虜非蜀也帝撫掌笑曰

卿可自明非蜀何乃遂復苦朕聰因投戟而出帝曰

薛監醉耳其見知如此今從元行沖後魏國典

閏月丙寅魏主廢太子恂齊書魏虜傳云大馮有寵

帝紀在十二月丙寅按長曆魏閏十一月齊閏十二月今從齊曆

四年正月大赦齊帝紀云庚午大赦按長曆

丙辰誅王晏晏傳云元會畢乃召晏誅之本紀丙辰

晏伏誅丙辰正月二十八日也按郊禮必在正月既云未郊一日赦停則誅晏必

非元會之日也本傳蓋言元會禮後耳

二月魏穆泰等伏誅齊書魏虜傳云偽征北將軍恒

州刺史鉅鹿孤賀鹿渾守桑乾

宏從叔平陽王安壽戍懷柵在桑乾西北渾非宏任用中國人與偽定州刺史馮翊公自鄰安樂公主拓跋阿幹兒謀立安壽分據河北期久不遂安壽懼告宏殺渾等數百人任安壽如故與魏書名姓全不同今從魏書

九月魏中書舍人孫延景齊書作公孫雲今從魏書

十一月以楊靈珍為北秦州刺史齊氏傳作北梁州今從帝紀

十二月曹虎頓軍樊城齊魏虜傳云均口今從虎傳

東昏侯永元元年三月張千戰死魏書作張千達今從齊書

以陳顯達為江州刺史齊明帝紀永泰元年七月癸卯以顯達為江州本傳顯達

敗於馬圈求降號不許乃除江州又云東昏立顯達彌不樂京師得此授甚喜按明帝末顯達方以三公

將兵擊魏不容無故除江州今從本傳

四月魏賜馮后死元嵩傳曰將遣使者賜馮后死而難其人顧任城王澄曰任城不負

嵩亦當不負任城可使嵩也乃引高平侯嵩入內

詔遣之高祖紀曰詔司徒勳徵太子與喪會魯陽

踐祚按馮后傳梓宮至魯陽乃行遺詔賜后死安有

高祖遣嵩之事又勳傳高祖崩勳過祕喪事遣張儒

徵世宗亦無高祖詔勳徵太子事

八月垣歷生降曹虎虎斬之南史云歷生出戰為曹虎所禽謂虎曰卿以主

上為聖明梅茹為賢相我當死且我今死卿明亦死

遂殺之按曆生若見獲遙光不當殺其子今從齊書

二年三月左興盛拒崔慧景於北籬門紀云王瑩屯北籬門傳云

左興盛今從傳

四月癸酉慧景敗走斬之齊本紀四月丁未以張冲

為南京州刺史崔慧景於廣陵起兵襲京師壬子左興盛督眾軍寶玄以京城

納慧景乙卯王瑩屯北籬門壬戌慧景至瑩等敗甲

子慧景入京師蕭懿入援癸酉慧景棄衆走死慧景
傳四月至廣陵回軍十二日攻陷竹里按長曆是歲
三月辛丑朔四月庚午朔丁未三月七日壬子十二
日乙卯十五日壬戌二十二日甲子二十四日四月
皆無也蓋四月當作三月至癸酉乃四月四日耳南
史云時江夏王寶玄鎮京口聞慧景北行遣左右余
文典說之曰江劉徐沈君之所見今擁強兵北取廣
陵收吳楚勁卒身舉州以相應取大功如反掌耳慧
景常不自安聞言響應于時廬陵王長史蕭寅司馬
崔恭祖守廣陵城慧景以寶玄事告恭祖恭祖口雖
相和心實不同俄而慧景至恭祖閉門不敢出慧景
密遣軍主劉靈運間行突入慧景俄係至遂據其城
子覺至仍使領兵襲京口寶玄本謂大軍併來及見
人少極失所望拒覺擊走之恭祖及覺精兵八千濟
江恭祖心本不同及至秣山欲斬覺以軍降京口事
既不果而止覺等軍器精嚴柳澄沈快等謂寶玄曰
崔護軍威名既重乃誠可見既已唇齒忽冲道立異
彼以樂歸之衆亂江而濟誰能拒之於是登北固樓
並干蠟燭爲烽火舉以應覺慧景停二日便率大衆
一時俱濟趣京口寶玄仍以覺爲前鋒恭祖次之慧
景領大都督爲衆軍節度又云時柳澄別推寶玄崔
恭祖爲寶玄羽翼不復承奉慧景慧景嫌之巴陵王
昭胄先逃人間出投慧景慧景意更向之故猶豫未
知所立此聲頗泄澄恭祖始貳於慧景又云慧景單
馬至蟹浦投漁人太叔榮之榮之故爲慧景門人時
爲蟹浦戍斬慧景送都按恭祖始若閉城拒慧景慧
景襲得其城而據之豈肯更授以兵柄又慧景若不
立寶玄柳澄豈能別推又榮之既云漁人又云爲戍
自相違錯今
並從齊書

九月魏田益宗敗吳子陽于長風城

此一事齊書紀傳皆無之魏帝

紀九月乙丑東豫州刺史田益宗破寶卷將吳子陽
鄧元起於長風梁書鄧元起傳云蠻帥田孔明附于
魏自號郢州刺史寇掠三關規襲夏口元起率銳卒
攻之旬月之間頻陷六城斬獲萬計餘黨皆散走仍
戊三關二書勝敗不
同如此今從魏紀

十一月蕭衍召王茂等定議

南史云茂與梁武帝不睦帝諸腹心並勸除之

茂少有驍名帝又惜其用令腹心鄭紹叔往候之告以欲起義茂因擲枕起即袴褶隨紹叔入見武帝大喜下牀迎因結兄弟被推赤心按茂若與梁武不睦梁武何敢豫告以大事茂亦安能便響應今不取

乙巳衍建牙集衆齊帝紀十二月梁王起義兵於襄陽誤也今從梁書高祖紀

和帝中興元年正月戊申蕭衍發襄陽梁高祖紀云二月戊申發

襄陽按戊申正月十三日梁紀誤也

三月乙巳南康王即帝位東昏紀云丁未南康王諱即皇帝位蓋是日建康始

聞之耳今從和帝及梁武帝紀

六月吳子陽進軍加湖梁韋叡傳作茄湖今從齊梁帝紀

蕭衍使王茂襲加湖和帝紀作王茂先今從梁書

郢城民死者什七八齊張冲傳云死者七八百家按死者不可以家數今從梁高祖

紀及事 齋傳

十月壬午蕭衍築長圍守宮城齊帝紀與梁帝紀叙此事先後多不同按

齊紀皆有甲子今用梁紀事以齊紀甲子次之

十一月魏田益宗上表請攻義陽益宗傳曰世宗納之遣元英攻義陽

按英攻義陽在景明四年八月此表言蕭氏君臣交爭則是梁武攻東昏時蓋益宗建策於今日而行於

後年耳

益宗入寇黃天賜敗績魏帝紀七月乙未田益宗破

益光傳景明初蕭衍遣軍主吳子陽率眾寇三關益宗遣光城太守梅與之據長風城逆擊于陽大破之

斬獲千餘級按吳子陽乃東昏將非衍將也且衍方與東昏相拒何暇寇魏三關此必益宗傳誤

十二月張稷斬東昏首送石頭南史王亮傳曰張稷等議立相東嗣王寶

臣領軍王瑩曰城閉已久人情離解征東在近何不
諮問按時和帝已立穆等知建康不可守故弑東昏
豈敢復議立寶
臣今從齊書

梁紀上

高祖天監元年四月丙寅追尊考妣南史五月追尊今從梁書

五月河南褚緡魏蕭寶寅傳作褚曹今從梁書

三年三月魏人歸張惠紹惠紹傳無被獲及復還事今從魏書

八月遣馬仙理築二城司馬悅傳作豫州刺史馬仙理按仙理於時未為豫州也

四年正月夏侯道遷以漢中降魏梁帝紀天監三年二月魏陷梁州而

列傳皆無其事魏帝紀正始元年閏十二月癸卯朔蕭衍行梁州事夏侯道遷據漢中來降道遷傳具言其事按長曆梁開二月癸卯即天監四年正月朔也故置於此

四月孔陵等戍深阬梁鄧元起傳魏將王景胤孔陵寇東西晉壽並遣告急按魏邢

繼傳曰蕭衍晉壽太守王景胤據石亭又曰蕭衍遣其將軍孔陵等據深阬然則景胤陵皆梁將也元起誤傳

西昌侯淵藻殺鄧元起貶為冠軍將軍梁書元起傳藻以糧儲無

遺甚怨望之因表元起逗留不憂軍事牧付州獄自縊死按若止以逗留表元起安敢擅收前刺史付獄殺之必誣以反也今從南史又梁書藻本以冠軍為益州刺史與南史異

五年四月王茂與魏揚大眼戰敗失亡二千餘人大

傳云俘馘七千有餘今從魏帝紀

五月韋叡敗魏兵拔小峴魏帝紀六月辛丑陷小峴戊今從叡傳

或欲保三义南史作三丈今從梁書

裴邃克魏羊石霍丘城

梁裴邃傳云五年征邵陽洲魏人為長橋以濟遂築壘逼

橋密作沒突艦會淮水暴漲邃乘艦徑造橋側魏眾驚潰邃乘勝追擊大破之進克羊石霍丘城平小峴攻合肥魏帝紀辛巳衍將陷合肥已丑又陷羊石霍丘案韋叡傳叡攻邵陽洲方使邃乘艦焚橋事在克合肥後又梁帝紀辛巳叡克合肥丁亥邃克羊石庚寅克霍丘今從之邃傳載取二城在破邵陽洲後誤也

九月臨川王宏夜遁將士皆散

梁書宏傳云會征役久有詔班師殊為不

實今從南史

六年三月淮水暴漲

梁帝紀四月癸未景宗等破魏軍魏帝紀四月戊戌鍾離大水

英敗績按景宗傳云三月春水生淮水暴長梁魏二史蓋據奏到月日書之耳今從景宗傳

生擒魏兵五萬人

韋叡傳云其餘釋甲楛額乞為囚奴者猶數十萬按魏軍共止數十

萬如獻傳所言似為太過今從景宗傳

十二月魏常邕和以淮陽降

魏帝紀十月庚午淮陽太守安樂以城南叛今

從梁帝紀

七年九月魏執京兆王愉高肇密使人殺之

魏書及北史愉

傳皆云愉每止病亭傳必攜李手盡其私情雖鏢繫之中飲賞自若略無愧懼之色至蜀王愉語人曰雖主上慈深不忍殺我吾亦何面見至尊於是歔歔流泣絕氣而死或云高肇令人殺之按愉既敗被執猶略無愧懼安能慙見魏主遽感歎絕氣而死蓋肇潛使人殺愉因以此言給魏主耳

魏中山王英將步騎三萬救郢州

田益宗傳詔曰英統精騎三萬蓋虛

聲耳今從魏帝紀

十月魏白早生殺司馬悅

梁帝紀作白阜生馬仙碑傳作琅邪王司馬慶曾今

皆從魏書

齊苟兒

魏書作苟仁今從梁書南北史

以早生為司州刺史

梁帝紀十月丙子魏陽關主許敬珍以城內附詔大舉北伐以

始興王憺帥眾入清王茂帥眾向宿豫丁丑白阜生

與豫州刺史胡遜以城內屬以早生為司州胡遜為

豫州刺史明年正月壬辰魏鎮東參軍成景雋斬宿

豫城主嚴重寶以城內屬二月丁卯魏楚王城主李

國興以城內附姓名年月事迹既與魏書參

差又徧檢諸列傳皆無其事今並從魏書

八年正月馬廣屯長薄胡文超屯松峴

梁馬仙辟傳云遣馬廣會

超守二關今從

魏中山王英傳

遣徐元季援武陽

英傳作徐超秀今從魏帝紀

魏主於齊苟兒等四將之中分遣二人以易董紹

紹傳

云歸苟兒等十人今從司馬悅傳

十年正月王珍國罷梁秦二州還

梁書珍國未嘗為梁秦刺史從南史

三月王萬壽殺劉晰

梁帝紀云三月辛丑按長曆是月丁酉朔而盧昶傳云三月二

十四日夜萬壽等攻掩胸城蓋辛酉也今不日以闕

疑又梁馬仙理傳及魏帝紀盧昶傳皆云劉晰而梁

帝紀云劉晰

蓋字誤也

十二月馬仙理大破魏兵

魏帝紀盧昶敗在十一月今從梁帝紀梁紀云斬敵

十餘萬按盧昶表云此兵九千賊眾四萬求益兵六

千魏主以四千給之安得十餘萬眾蓋梁史為夸大

耳

十二年二月鬱洲民徐道角等殺張稷降魏

魏帝紀作郁州

人徐玄明今從梁康絢傳又絢傳稷死在胸山叛之明年今從魏帝紀

十五年二月康絢擊却魏兵絢傳十二月魏遣李曇定督眾軍來戰按魏帝

紀此年正月乃遣李平節度諸軍絢傳誤也曇定即平字也

昌義之王神念救破石李崇傳衍遣趙祖悅襲據西破魏軍義之乃救破石今從之

沂淮上而規取壽春按義之傳絢

十六年四月詔宗廟去牲梁帝紀此詔在四月甲子南史云在二月云祈告天

地宗廟以去殺之理欲被之詔識郊廟牲牲皆代以麵其山川諸祀則不按長曆是月辛卯朔無甲子隋志但云四月亦不云郊祀去牲今從之

十八年二月魏高湖子謚李百藥北齊書作謚比史作謚今從之

高歡曰宿衛焚大臣之第北齊書云領軍張彛按彛未嘗為領軍故但云大臣

資治通鑑考異卷第六

資治通鑑考異卷第七

梁紀下

普通二年五月魏桓叔興降梁帝紀七月叔興率眾降蓋記奏到之日今從

魏帝紀

七月魏張普惠救義州不及普惠傳云棄城走今從裴遠傳

三年十一月魏初行正光曆大赦後魏律曆志云曆成會孝明帝加元

服改元正光因命曰正光曆按帝紀正光元年七月辛卯加元服三年十一月丙午行正光曆今從之

西豐侯正德明年自魏逃歸梁書正德傳普通六年為輕車將軍頃之犇魏

七年自魏逃歸魏書蕭衍傳正光二年弟于正德來犇南史正德傳普通二年為輕車將軍頃之犇魏又

自魏逃歸六年隨豫章王比侵輒棄軍走比史蕭寶寅傳正光四年表論考課後乃云表論正德後乃云

莫折大提反按大提反在正光五年
唯南北史年月先後相近今從之

四年魏破六韓拔陵反魏帝紀正光五年破落汗拔陵反詔臨淮王彧討之五月

或敗削官按令狐德棻周書賀拔勝傳衛可孤圍懷朔經年勝乃告急於彧然則拔陵反當在四年蓋帝紀因詔或討拔陵而言之非拔陵於時始反也周書作破六韓今從之

衛可孤圍武川北史可作瓌今從周書

五年四月魏賀拔勝見臨淮王彧於雲中勝傳云至朔州見彧

按後魏地理志雲中舊名朔州及改懷朔鎮為朔州不容更以雲中為朔州今但云雲中

五月魏廣陽王深魏帝紀作淵今從列傳及北史

六年正月魏元灋僧殺高諒稱帝灋僧傳作高謨今從魏帝紀又魏紀

云自稱宋王灋僧傳及北史皆云稱尊號梁書灋僧傳云稱帝按灋僧立諸子為王以稱帝也今從梁書

灋僧遣子景仲來降灋僧傳云魏室大亂灋僧據鎮議欲匡復既而魏亂稍定將討

灋僧灋僧懼歸款按時魏亂未定今從北史

元略為魏所敗魏帝紀叙元略等事便在庚申灋僧叛下不應如此之速今移於月末

三月元灋僧驅彭城吏民萬餘人南渡南史云武官戊彭城者三

千餘人灋僧皆印額為奴逼將南渡魏書梁書皆無此事

五月魏李崇卒魏帝紀在五月戊子按長曆是月乙巳朔無戊子今不書日

魏安豐王延明等將兵二萬逼彭城南史陳慶之傳云衆十萬今從

梁書

六月豫章王綜與梁話淮陰苗文寵投魏軍南史綜傳綜夜

潛與梁話苗寵二騎開北門涉汴河途奔蕭城自稱隊主見延明而拜延明坐之問其名氏不荅曰殿下

問人有見識者延明召史觀之曰豫章王也延明喜
下地執其手若其拜送于洛陽按魏書及北史鹿念
傳皆豫有盟約魏豈得不知又魏書蕭贊傳作
濟陰苗文寵北史作濟陰苗文寵今從南史
綜更名贊梁書南史皆云改名

延明令江革作大小寺碑南史作文八寺

十二月魏恒農太守王罷周書罷傳罷未嘗為

七年六月魏長孫稚為討絳蜀都督費穆傳穆為都督平絳蜀不應

有兩都督今從帝紀

八月元洪業殺鮮于脩禮請降于魏葛榮殺洪業自

立北史廣陽王深傳云深以兵士類經退散人無鬪情連營轉柵日行十里行達交津隔水而陣賊脩

禮常與葛榮謀後稍信朔州人毛普賢榮常銜之普賢昔為深統軍及在交津深使人諭之普賢乃有降

意又使錄事參軍元晏說賊程殺鬼果相猜貳榮遂殺普賢脩禮而自立與魏帝紀全殊又其語雜亂難

曉今從帝紀

十一月曹義宗逼新野魏遣魏承祖辛纂救之梁書

冬新野降魏書肅宗崩後新野猶在恐梁書誤蓋梁自前年攻新野此年魏使魏承祖救之也又周于謹

傳云孝昌二年與辛纂討義宗今以為據

大通元年正月莫折天生寇雍州羊侃傳作莫

湛僧智圍魏豫州魏帝紀及曹世表傳作

十月魏元慶和降陳慶之破魏兵王緯降魏帝紀九

豫州刺史元慶和以城叛梁帝紀十月庚戌魏東豫州刺史元慶和以渦陽內屬夏侯瓌傳湛僧智圍元

慶和於廣陵慶和請降詔以僧智為東豫州鎮廣陵

韋放傳普通八年曹仲宗攻渦陽放會之滅主王偉

降陳慶之傳大通元年隸曹仲宗伐渦陽城上王緯
降詔以渦陽置西徐州然則廣陵渦陽兩處兩事梁
紀慶和渦陽之間或更有脫字耳魏紀九月據聞慶
和始叛之時梁紀十月據慶和降款到日按陳慶之
傳云自春至冬今從梁紀十月為定此別一廣陵非
南兖州之廣陵也王偉當作王緯蓋草書之誤也
二年四月魏長樂王子攸自高渚渡河楊銜之洛陽
伽藍記高渚

作雷波今
從魏書

已亥魏百官迎敬宗於河橋伽藍記云十二日爾朱
榮軍於芒山之北河陰

之野十三日召百官迎駕至者盡誅之長
曆是月戊子朔十二日已亥也今從魏書

榮殺魏高陽王雍以下二千餘人北史云榮惑費穆
之言謂天下乘機

可取乃譎朝士共為盟誓將向河陰西北三里至南
比長隄悉命下馬西度即遣胡騎圍之妄言丞相高

陽王反殺王公以下二千餘人
榮傳一千三百餘人今從魏紀

趙元則應募為禪文北史曰時隴西李神儁頓丘李
諧太原温子昇並當世辭人皆

在圍中耻從是命俯伏不應按神儁等
不應何得不死魏書本傳皆無其事

高歡勸榮稱帝魏爾朱榮傳曰於是獻武王與外兵
參軍司馬子如等切諫陳不可之理

榮曰愆誤若是唯當以死謝朝廷今日安危之機計
將何出獻武王等曰未若還奉長樂以安天下於是

還奉莊帝北齊書神武紀云榮將篡位神武諫恐不
聽請鑄像卜之鑄不成乃止蓋魏收與北齊史官欲

為神武掩此惡故云爾
今從周書賀拔岳傳

十月以元顥為魏王遣陳慶之將兵送之梁魏帝紀
皆云以顥

為魏主唯顥傳作魏王按魏封劉昶為宋王蕭寶寅
為齊王蕭譽為梁王皆伺得國然後使稱帝耳若顥

在南已稱魏帝當行即位之禮又梁朝應以客禮待
之又顥不應再即帝位於渙水蓋由王字與主字止

欠一點故多致
謬誤今從顥傳

中大通元年二月魏濟陰王暉業

梁書作徽業今從魏書

四月元顥即帝位改元

魏帝紀去年十月蕭衍以顥為魏主號年孝基入據鉅城

顥傳永安二年四月於梁國城南登壇燔燎年號孝基今從之

陳慶之拔考城

魏書帝紀克考城在辛丑後今從梁帝紀

五月魏臨淮王彧迎顥

或傳無迎顥事而梁陳慶之北齊宋遊道傳有之蓋魏史

為彧諱也

二年三月魏方俟侖

比史作方俟行今從周書

六月以魏汝南王悅為魏王

梁帝紀中大通元年正月甲子魏汝南王悅求

還本國許之二年六月丁巳遣悅還北為魏主按魏書悅傳悅未嘗歸魏復入梁今刪去元年事

方俟道洛歸略陽賊帥王慶雲

魏帝紀作白馬龍涸胡王慶雲今從朱

天光傳

八月遣兵送魏王悅至境上

悅傳云立為魏主號年更興行遣其將軍王僧

辯送置境上以興侵逼按僧辯傳未嘗送悅蓋王弁耳

魏邢邵巒之族弟

比史邢巒卷首排目云族孫臧邵而卷中乃云巒叔祖祐祐從子蚪

蚪子臧邵魏書亦云巒從祖祐然則臧邵乃巒族弟非族孫也

爾朱榮妻鄉郡長公主

比史世隆傳作比鄉郡公主今從魏帝紀

九月榮至洛陽

魏帝紀日辛卯榮天穆自晉陽來朝按北史九月初榮至京十五日天穆

至是月甲戌朔辛卯乃七八日非也

尔朱世隆走賀拔勝不從

周書及北史云勝復隨世隆至河橋勝以為臣無讎

君之義遂勒所部還都莊帝大悅今從魏書

十月尔朱拂律歸魏書無拂律歸名伽藍記有之按歸即度律也

魏源子恭鎮太行丹谷伽藍記云源子恭楊寬領步騎三萬鎮河內今從魏書

尔朱世隆至長子魏帝紀云世隆停建興之高都今從世隆傳

十二月尔朱兆從河橋西涉渡伽藍記云從雷波涉渡今從魏書兆傳

魏城陽王徽抵寇祖仁家魏書作寇彌按寇讚諸孫所字皆連祖字或者名彌

字祖仁今從伽藍記

尔朱兆召高歡并力北齊慕容紹宗傳兆召高祖紹宗諫曰今天下擾攘人懷覬覦

正是智士用策之秋高晉州才雄氣猛英略蓋世譬如蛟龍安可以借雲雨兆怒曰我與晉州推誠相待

何得輒相間阻因紹宗數日釋之北史紹宗語在神武請帥降戶就食山東按兆始召歡以自救非

猜嫌之時今從北史

三年二月魏廣陵王恭陽瘖伽藍記云莊帝疑恭姦詐夜遣人盜掠衣物拔

刀劍欲殺之恭張口以手拈舌竟乃不言莊帝信其真患放令歸第今從魏書

尔朱兆監軍孫白鷄北史作白雞今從北齊書

四月尔朱仲遠使魏僧勉討崔祖螭斬之北齊李渾傳普泰中

崔社客反於海岱攻圍青州以渾為征東將軍都官尚書行臺赴援而社客宿將多謀諸城各自保固堅

壁清野諸將議有異同渾曰社客賊之根本若簡練驍勇銜枚夜襲徑趨營下出其不意出老之間便可

擒殄如社客就擒則諸郡可傳檄而定諸將遲疑渾乃決行未明達城下賊徒驚散擒社客斬首送洛按

其年時事迹與祖螭略同未知社客即祖螭為別一人也今從魏帝紀

六月庚申高歡起兵信都魏書帝紀起兵在庚申北齊書帝紀在庚子北史魏

十月尔朱拂律歸魏書無拂律歸名伽藍記有之按
歸即度律也

魏源子恭鎮太行丹谷伽藍記云源子恭楊寬領步

尔朱世隆至長子魏帝紀云世隆停建興

十二月尔朱兆從河橋西涉渡伽藍記云從雷波涉

魏城陽王徽抵寇祖仁家魏書作寇彌按寇讚諸孫

字祖仁今從伽藍記

尔朱兆召高歡并力北齊慕容紹宗傳兆召高祖紹

正是智士用策之秋高晉州才雄氣猛英略蓋世譬

如蛟龍安可以借雲雨兆怒曰我與晉州推誠相待

何得輒相間阻因紹宗數日乃釋之北史紹宗語在

神武請帥降戶就食山東下按兆始召歡以自救非

請嫌之時今從比史

三年二月魏廣陵王恭陽瘖伽藍記云莊帝疑恭姦

刀劍欲殺之恭張口以手拈舌竟乃不言莊帝信其真患放令歸第今從魏書

尔朱兆監軍孫白鷄北史作白雞今從比齊書

四月尔朱仲遠使魏僧勉討崔祖螭斬之北齊李渾

崔社客反於海岱攻圍青州以渾為征東將軍都官

尚書行臺赴援而社客宿將多謀諸城各自保固堅

壁清野諸將議有異同渾曰社客賊之根本若簡練

驍勇銜枚夜襲徑趨營下出其不意出老之間便可

紀齊紀亦然
今從魏書紀

魏楊愔見高歡於信都北齊書愔傳云愔父津為并州刺史愔隨之任我而孝莊幽崩愔時適欲還都行達邯鄲過津義從楊寬家為寬所執至相州見刺史劉誕以愔名家盛德甚相哀念遣隊主鞏榮貴防禁送都至安陽亭榮貴遂與俱逃乃投高昂兄弟替竄累載屬齊神武至信都遂投刺轅門即署行臺郎中按時齊神武已在信都言潛竄累載誤矣又云孝莊幽崩而愔欲還都見執皆非也

四年四月高歡以賀拔岳為關西大行臺

北史薛孝通為中書

郎以關中險固秦漢舊都須預謀鎮道以為後計縱河北未利猶足據之節閔帝深以為然問誰可任者孝通與賀拔岳同事天光又與周文帝有舊二人並先在關右並推薦之乃超授岳督岐華秦雍諸軍事關西大行臺雍州牧周文帝為左丞孝通為右丞齊詔書馳驛入關授岳等同鎮長安後天光敗於韓陵

節閔遂不得入關為齊神武幽廢按天光尚在節閔安除岳鎮關中今從魏書

高歡欲立汝南王悅聞其狂暴乃止

魏書悅傳云神武令人示意悅

既至清狂如故動為罪夫不可扶立乃亡按悅時猶在梁境北召至洛往返幾日蓋神武聞其所為而止耳

五年正月魏竇泰破尔朱兆

魏帝紀正月庚寅朔甲午齊獻武王自晉陽出

討兆丁酉大破之於赤洪嶺北齊帝紀出兵在去年破兆在今年按歲首宴會不應直至八日今從此齊書

五月魏王早等來降

梁帝紀六月己卯魏建義城王蘭寶以下邳城降今從魏書

七月魏以賀拔允為太尉

魏帝紀作賀拔涯按允字阿鞠涯蓋涯字誤為涯耳

六年正月魏泉企討民夷平之

北史作泉企今從周書

六月高歡表魏主庫狄干等將兵自來違津渡丘悅

典略作朱違津今從北齊書北史

七月高歡引軍渡河元斌之給魏主云歡兵已至魏書

解斯椿傳云椿懼已不免復啓出帝假說遊聲以劫脅帝帝信之遂入關按齊高祖舉兵向洛而云椿劫椿之罪耳今從齊高祖紀及北史椿傳

九月歡使薛瑜守潼關北史作薛瑾典略作薛長瑜比齊帝紀作薛瑜今從北齊書

書

十月歡至洛陽齊書北史皆云九月庚寅還至洛陽按歡九月己酉克潼關己酉九月二十九日也不容庚寅已還至洛陽庚寅乃九月十日也

閏月蠻會樊五能北史作樊大能今從魏書

大同元年十一月魏元羅降典略在七月今從梁帝紀

二年正月魏人圍曹泥比齊書典略皆云周文圍泥周書不言故但云魏人

二月東魏以高澄為尚書令加領軍京畿大都督魏紀為尚書令大行臺大都督北齊文襄紀天平元年為尚書令大行臺并州刺史入輔朝政加鎮軍左右京畿大都督按尚書令不在外大行臺不在內今兩捨之

東魏孫搴卒陳元康為功曹典略孫搴卒在大同十年四月按搴卒然後陳元康為功曹高慎叛高澄已令元康救崔暹邳山之戰元康又勸高歡遣宇文泰事並在九年北史元康傳又云草劉蠡升軍書按蠡升滅在元年孫搴二年猶存今不取然則搴卒宜置於澄入輔之下

五月魏万俟普犇東魏普降東魏事比齊書帝紀在齊紀在六月甲午周書帝紀北史魏紀齊紀在五月今從之

齊紀在六月甲午周書帝紀北史魏紀齊紀在五月今從之

十二月東魏清河王亶卒

國典云亶為高歡所醜與略周太祖數歡罪亦云殺

亶魏書北史皆無亶傳而帝紀皆云亶薨今從之

三年閏九月高歡自蒲津濟河

北齊帝紀十一月壬辰神武自蒲津濟魏

帝紀十月壬辰敗于沙苑按長曆十月壬辰朔北齊紀誤也

四年二月東魏侯景攻廣州降之

典略侯景克廣州在十一月按北史

魏文帝紀二月東魏陷南汾潁豫廣四州今從之

三月高歡解大丞相頃之復故

北齊帝紀止有高祖解丞相年月而無復

故之文按興和元年議曆有丞相田曹參軍信都芳蓋因中山之捷而復也

五月東魏鄭伯猷來聘

魏帝紀在二月丙辰蓋始受命時也今從梁帝紀

七年正月宕昌王梁彌定立

梁帝紀作弥泰今從典略

十二月劉敬躬以妖術惑眾

北史作敬宮今從梁書

八年十二月東魏楊斐來聘

典略作陽斐今從魏書紀

九年三月東魏大破魏兵斬首三萬餘級

北齊書云俘斬六萬

計今從北史彭樂傳

東魏尉興慶戰死

典略作尉興敬今從北齊書北史

東魏軍士逃奔魏者告以高歡所在

周賀拔勝傳云太祖見齊神武

旗鼓識之今從典略

十一年六月楊驃陳霸先至交州

典略作十二月癸丑至交州姚思廉

陳書帝紀在六月今從之

中大同元年正月癸丑楊驃等克嘉寧城

典略作乙未今從梁

帝紀

三月幸同泰寺講經

典略云癸卯詔以今月八日於同泰寺設無遮大會捨朕身及

以宮人并所王境土供養三寶四月丙戌公卿以錢一億萬奉贖按韓愈佛骨表云三度捨身為寺家奴若并此則四矣今從梁書

九月李賁屯典澈湖

典略云渡武平江據新安村今從陳帝紀

十月高歡攻玉壁五十日士卒死者七萬人

北史韋孝寬傳

云苦戰六旬傷及病死者什四五今從北齊書

太清元年三月侯景請以十三州內附

梁書景傳云與豫州刺史

高成廣州刺史暴顯潁州刺史司馬世雲荊州刺史郎椿襄州刺史李密兖州刺史邢子才南兖州刺史石長宣濟州刺史許季良東豫州刺史丘元征洛州刺史朱暉願揚州刺史樂恂比荊州刺史梅季昌

比揚州刺史元神和等陰結私圖剋相影會蕭韶太

清紀又有兖州刺史胡延豫州刺史傅士哲揚州刺史可足渾洛無邢子才典略有荊州刺史庫狄暢無

高成暴顯許季良尔朱渾願樂恂梅季昌今依梁書而太清紀有兩

豫州蓋前官也
是歲正月乙卯帝夢中原牧守皆降

典略云去年十一月夜夢今從

梁書

四月東魏李系來聘

魏帝紀作李緯今從本傳

六月東魏韓軌等圍潁川聞魏李弼等將至引還

周書

帝紀三月李弼救侯景今從典畧

高澄使高德政佐弟洋

北史作德正今從北齊書

十二月乙亥以元貞為咸陽王

梁帝紀作戊辰遣貞今從典畧

二年正月侯景衆潰晝夜兼行追軍不敢逼典略云晝息夜

行追軍漸逼今從梁書

羊鴉仁棄懸瓠羊思達棄項城典略在六月今從梁帝紀

三月屈獠洞斬李賁陳高祖紀云太清元年蓋謂破賁之年今從梁帝紀

八月侯景啓請戮羊鴉仁梁書南史皆云竝抑不奏典略朱异拒之云云今從

太清紀

侯景又西攻馬頭梁書云執太守劉神茂按神茂素附於景無煩攻執今從太清紀典

略

十月庚寅景陷譙州太清紀云十三日以王質巡江邊防典略上作庚戌下作庚子按此

月戊子朔蓋三日庚寅也

太子戎服入見上稟受方略太清紀云太宗見事急乃入面啓高祖曰請以

軍事並以垂付願不勞聖心南史云帝曰此自汝事何更問爲今從典略

十一月陳昕說范桃棒降太清紀南史皆云桃棒求以甲士二千人來降以景

首應購今從典略

乙酉邵陵王綸進軍玄武湖側太清紀云二十九日典略云壬午今從梁

帝紀

景擒莊丘慧霍俊等典略作廣陵今崔俊南史作直閣將軍胡子約廣陵今霍儁今

從太清紀

鄱陽世子嗣軍于蔡州梁帝紀作張公洲今從太清紀

湘東王繹遣王僧辯將舟師萬人東下太清紀云僧辯將精卒二

萬今從梁書

十二月宣猛將軍李孝欽梁帝紀作李遷仕今從太清紀

三年正月庚申朱忌卒梁帝紀作乙丑今從太清紀

甲子湘東世子方等軍至梁帝紀作戊辰今從太清紀

二月庚子南康王會理等眾三萬至馬印洲梁帝紀作丁未

今從太清紀典略云至干琅邪今從太清紀梁帝紀

移軍江潭苑梁帝紀作蘭亭苑今從太清紀典略

三月初閉城之日擐甲者二萬餘人南史作三萬今從典略

南安侯駿說邵陵王綸典略云綸以下咸說柳仲禮如此今從太清紀

柳津言邵陵仲禮不忠不孝典略云柳仲禮族兄暉謂仲禮曰天下事勢如

此句不自取富貴仲禮曰兄今若為取之暉曰正當堅營不戰使賊平臺城囚天子徐而縱兵既破之後復挾天子合諸侯也仲禮納之按景既克城則人情皆去援軍自散仲禮安能帥以破景仲禮閉壁不出自為重傷而懼耳非用暉計也今從太清紀及南史太清紀又云景嘗登朱雀門樓與之語又遺以金自是以後閉壁不戰典略云遺以金鑲亦似近誣今不取

景矯詔大赦自加官梁帝紀無赦加景官在庚午今從太清紀

己巳景以詔解外援軍典略在庚午梁帝紀在辛未今從太清紀

北青州刺史王奉伯降東魏典略作南冀州今從太清紀

明少遐等棄城走梁帝紀在四月今從太清紀

五月甲申景遣李賢明攻宣城不克典略在四月今從太清紀

六月丙戌以南康王會理為司空梁帝紀作戊戌今從太清紀

丁亥立宣城王大器為太子太清紀云七日今從梁帝紀及典略

壬辰封皇子大心等為王太清紀典略竝與立太子同日今從梁帝紀

上甲侯韶徵兵江陵梁帝紀在五月今從太清紀

丙午吳盜陸緝典略作戊子陸黯今從太清紀南史

癸丑侯景殺臨賀王正德典略五月正德死今從太清紀南史

景封元羅等十餘人皆為王太清紀在八月二日今從典略

景殺永安侯確太清紀確死在九月今從典略

湘東王繹使世子方等討河東王譽太清紀云初上遣諮議參軍周

弘有往湘州報河東王譽云侯景既須撲滅今欲遣荆州兵力使汝東往但使諸蕭有一人能匡國難吾無所惜譽對弘直攘袂云身始至鎮百度俱闕征伐之任便未能行又遣舍人虞預至譽所曰周弘直還

知汝必不能自出師吾今便長驅席卷還望三湘兵糧以相資給譽又拒絕意色殊憤上又遣錄事參軍

劉毅往雍宣旨於岳陽王譽曰吾舟艦足乘唯糧仗關少湘州有米已就譽求雍部精兵必能分遣行留

之計爾自擇之答曰兵馬蕃扞所須非故減撤襄陽形勝之地豈可暫虛穀出謂雍州別駕甄玄成曰

觀殿下辭色曾無匡復之意卿是股肱所寄可相毗贊邪答曰樊沔衝要皇業所基人情驍勇山川險固

君其雅識寧侯多言穀曰本論東討共征獯逆義異西伯非敢聞命於是湘雍二蕃成亂謀矣是月上遣

世子方等往湘州且陳軍國之計誠方等曰吾近累遣使往湘竝未相唇齒今故令汝至彼必望申吾意

若能得相隨下可留王冲權知州事譽遂不受命潛圖構逆此皆蕭韶為元帝隱惡飾辭耳今從梁書南史

史

七月陳霸先擒蘭裕等太清紀擒裕在八月今從陳書

丁卯鮑泉伐湘州太清紀作八日或者八日受命下卯乃行也

庚午以南康王會理兼尚書令

太清紀在八月二十六日今從典略

八月東魏高澄以蘭京為善奴

陳元康傳作蘭固成今從北齊帝紀

九月岳陽王督伐江陵兵敗守者殺張纘

太清紀云督使制文

檄纘曰吾蒙朝廷不世之榮又荷湘東王國士之眷今日雖死義無操筆及軍敗將殺之纘曰若使南師必振北賊將亡吾雖死無所恨遂殺之棄尸於江陵北湖又云諸將並欲追躡上以如子之情情所未忍曰彼不應來而來明其為逆我應逐不逐見我之弘此蓋亦蕭韶之虛美今從南史

十一月乙卯葬武帝

太清紀云十四日梓宮達于脩陵今從梁書

邵陵王綸奔鄱陽

南史云東土皆附綸臨城公大連懼將害已乃圖之綸覺之乃去今

從典略

十二月庚寅宋子仙執南郡王大連

典略云十一月庚寅子仙擒大連

按是月壬午朔今從太清紀

太宗大寶元年正月陳霸先進軍南康

太清紀在二月今從陳帝紀

南康王恪推邵陵王綸承制置百官

太清紀云三月綸逼奪恪州徙

恪於郡解今從梁書典略

魏楊忠敗柳仲禮於滎頭

太清紀作潼頭在去年十二月今從典略

二月侯子鑿克廣陵城中無少長皆殺之

太清紀曰城中數百

人典略曰死者八千人今從南史

五月乙卯鄱陽王範卒

典略作已酉卒今從太清紀

丙辰東魏主禪位于齊

北齊書北史高德政傳云五月六日留咸陽王坦等七日

司馬子如等至鄴九日文宣至城南頓按後魏書北史帝紀皆云辛亥王如鄴甲寅加九錫丙辰魏主遜位戊午王即帝位典略辛亥王還鄴以長曆推之此月已酉朔皆不與德政傳日相應蓋辛亥始自晉陽如鄴非到鄴之日也

武陵王紀使世子圓照帥兵東下南史云六月辛酉紀遣圓照東下按

六月己卯朔無辛酉典略在五月或者五月辛酉歟

六月丁亥齊主立李后典略在五月乙丑今從北齊帝紀

庚子羊鴉仁犇江西盜殺之太清紀在十月今從梁帝紀典略

高涼洗氏典略作沈氏今從隋書

七月侯景以侯瑱為湘州刺史太清紀在十一月今從典略

八月甲午湘東王繹遣王僧辯等趣江郢典略云九月戊申朔

繹遣僧辯按太清紀事在八月末今從梁簡文帝紀

九月任約據西陽武昌梁帝紀在十一月今從太清紀

任約擒衡陽王獻送建康殺之梁帝紀在十一月今從太清紀

十月立皇子大鈞等為王太清紀在十一月十四日今從梁帝紀

十一月武陵王紀帥諸軍發成都南史云十一月壬寅按是月壬子朔

無壬寅

侯景自出屯晉熙典略七月景軍次濡須使梁仲宣知留府事按典略九月景請梁妃

主同宴梁帝紀十月乙未景逼太宗幸西州不容七月已在濡須今因南康王會理事見之太清紀梁書

典略晉熙皆作皖口今從南史

王偉殺南康王會理典略云十二月癸未建安侯賁等告會理梁帝紀十月壬寅景

害會理今
從太清紀

侯景殺武林侯諮太清紀在會理死前今從南史

二年正月湘東王繹遣尹悅等將兵趣武昌典略在去年

一月今從
太清紀

張彪將趙稜孫鳳敗走典略去年十一月彪自圍錢塘與趙伯超戰敗于臨平死

者八萬餘人走還刻伯超死子稜在彪軍中謀殺彪偽請與彪盟引小刀披心出血自斃彪信之亦取刀

刺血報之刀適至心稜以手按之刀斜入不深彪頓絕稜謂已死出外告彪諸將云彪已死當共求富貴

彪左右韓武入視之彪已蘇細聲謂曰我尚活可與乎武遂誅稜彪復奉表於湘東王繹今從太清紀

二月魏楊忠執邵陵王綸太清紀云宇文泰遣忠襲與相見執而害之今從梁書南史

齊遣曹文皎使于江陵典略在正月丙午

陳霸先擒李遷仕斬之太清紀在四月云遷仕追霸先於雩都縣連營相持百餘

日正月廣州刺史蕭勃遣歐陽隗水步萬餘人來援隗與戰大破之斬遷仕首餘黨悉降霸先引軍前進

今從
陳書

閏月侯景發建康梁帝紀三月丁未景發京師典略

武昌不容丁未景已發建康閏三月甲戌朔無丁未蓋字誤也

四月壬戌景眾濟江梁帝紀作甲子

六月景別將支化仁鎮魯山梁帝紀作魏司徒張化仁按魏司徒安得為景

守城今
從典略

范希榮行江州事典略云江州刺史今從太清紀

余孝頃遣兵救鄱陽于慶走長曆六月癸卯朔太清紀一日慶走二日擒任

約二日景走今從梁帝紀

七月丁亥侯景還至建康典略作六月壬戌太清紀作七月二十日今從梁帝紀

紀

八月壬戌豫章王棟即帝位典略作壬辰今從太清紀

景殺南郡王大連於姑孰太清紀云於九江今從梁書

十月宜豐侯循南史作脩今從梁書

丙辰王僧辯等啓湘東王繹上尊號典略作乙卯今從太清紀

十一月戊寅繹以安南侯方矩爲中衛將軍梁書在八月辛

亥今從太清紀

世祖承聖元年正月己卯侯子鑒等帥兵至合肥典略

二月庚子子鑒等圍合肥克其羅城今從太清紀

突厥子弟謂之特勒諸書或作特勤今從劉昫舊唐書及宋祁新唐書

三月侯子鑒以鵠舫千艘載戰士典略作烏鵠舫千艘今從梁書

庚辰王僧辯督諸軍至張公洲典略作戊寅今從太清紀

陳霸先於石頭西落星山築柵陳書云橫隴立柵今從典略

己丑僧辯等上表勸進梁帝紀戊子王以賊平告明堂太社己丑僧辯等奉表按

表文云衆軍以戊子總集建康豈是日告捷即能達江陵乎蓋僧辯等以己丑日發表勸進耳

四月僧辯啓陳霸先鎮京口陳紀高祖應接郭元建還僧辯啓高祖鎮京口

按是時徐嗣徽爲南徐州刺史蓋霸先但領兵戍京口耳未爲刺史也

羊鯤叱海師向京口典略曰舟人李橫文給景向南徐州今從梁書

溧陽公主亦預食馬典略云復烹溧陽公主今從南史

五月遣侍中豐城侯泰等謁山陵梁書在四月官為司空太清紀在此

月官太幸今從典略

九月魏宇文泰遣西豐侯循還江陵典略云十月乙未朔太祖謂循

云云按太清紀是月循至江陵今從之

十一月李洪雅保空雲城典略作空零城今從梁書

二年二月突厥科羅立號乙息記可汗顏師古隋書突厥傳云第

逸可汗立今從周書及北史

三月柔然又立鄧叔子為可汗魏書北史蠕蠕傳皆云立鐵伐為可汗

厥傳皆云立鄧叔子為可汗蓋部落分散各有所立也

侯斤立號木杆可汗周書作木汗隋書作侯斗木杆今從北史

魏宇文泰遣尉遲迴伐蜀典略在正月戊辰今從周紀

陸納遣吳藏等據車輪梁紀云二月丙子按長曆二月無丙子梁紀誤

王僧辯至巴陵典略云三月辛酉按長曆是月癸亥朔無辛酉典略誤

宜豐侯循讓都督於僧辯僧辯傳云與陳霸先讓都督今從典略

四月丙申僧辯軍于車輪典略作甲子非也今從梁紀

六月湘州平梁紀乙酉湘州平按長曆是月無乙酉梁紀誤

七月辛未苻昇等斬公孫晃降於王琳典略作丙戌今從梁書

九月齊主遣邢景遠步大汗薩將襲建康梁書作邢景遠步六

宮

汗薩今從北齊書北史

三年正月齊主破山胡男子十三以上皆斬北史作

上今從典略

宇文泰廢魏王立齊王廓國典云三月廢帝四月立恭帝北史皆在正月今從

之

三月甲辰以王僧辯為太尉典略作二月甲子今從梁紀

五月魏李遷哲徇地至巴州牟安民降之典略云斬梁巴州刺

史牟安平今從周書北史

十一月甲寅魏人百道攻城梁紀作辛卯誤也今從典略

帝焚圖書十四萬卷隋經籍志云焚七萬卷南史云十餘萬卷按周僧辯所送建康

書已八萬卷并江陵舊書豈止七萬卷乎今從典略

胡人牽帝使拜于謹典略云謹攜梁主令西至龍泉廟出武陵河東二王子孫於獄

列於沙州鎖熱酷瘡痍腐爛引梁主使視之謂曰此皆骨肉忍虐如此何以為君上無以應按武陵諸

子先已餓死河東子孫亦應不存今不取

十二月于謹選百姓男子數萬口為奴婢典略作五十萬今從

梁紀南史

敬帝紹泰元年正月梁王督即帝位周書督傳云督在位八載保定

二年薨然則督雖以甲戌年為魏所立乙亥年乃即位改元也

齊清河王岳進軍臨江陸灑和宋蒞降之北史宋蒞作宋蒞今

從北齊紀又北齊紀云壬寅岳度江克夏首送灑和按典略甲午齊已召岳還今從之

甲午齊召岳還使慕容儼戍郢州梁紀四月灑和降齊使侯瑱討之按

齊主與王僧辯書云清河王岳今次漢口與陸居士相會然則灑和先已降齊也今從典略

五月王僧辯遣使送質於貞陽侯淵明典略三月辛卯遣廷尉張

種等送質于鄴按淵明五月始入建康疑太早恐非

辛丑淵明自采石濟江梁紀七月辛丑淵明濟江甲辰入京師北齊紀五月蕭明

入建業按典略五月庚子僧辯逆淵明辛丑濟江癸卯至建康今從之

九月丙午淵明遜位梁書九月丙午帝即皇帝位十月已巳大赦改元按長曆丙午

九月二十九日已巳十月二十二日豈有即位二十四日始改元大赦乎蓋丙午復梁王位十月乃即位帝位耳典略丁未廢貞陽侯出就邸今竝從陳書

十月韋載以郡應杜龕典略作韋載今從梁陳書

王僧智據吳郡拒守南史云僧智據任約今從典略

陳霸先還建康梁書十一月庚寅霸先還建康按庚寅十一月十三日太晚且庚寅以前

霸先已有在建康與齊相拒事迹今從陳書

十一月癸未侯安都襲胡墅典略作已巳按長曆是月戊寅朔無已巳今從

陳書

太平元年正月陳舊斬杜龕梁書太平元年正月癸未杜龕降詔賜死陳書

紹泰元年十二月杜龕以城降明年正月癸未誅杜龕於吳興龕從弟北叟司馬沈孝敦並賜死典略魏

恭帝二年十二月舊命劉澄等攻龕大敗之龕乃降明年正月丁亥周鐵虎送杜龕祠項王神使力士拉於坐龕從弟北叟司馬沈

孝敦並賜死今從南史

王僧智弟僧悳俱奔齊梁書南史王僧辯傳僧悳既亡僧智得就任約約敗走僧

智肥不能行又遇害僧智弟僧愔位譙州刺史征蕭勃及聞兄死引軍還時吳州刺史羊亮隸在僧愔下與僧愔不平密召侯瑱見禽僧愔以名義責瑱瑱乃委罪於將羊鯤斬之僧愔復得犇齊陳書南史侯瑱傳則云僧辯使其弟僧愔與瑱共討蕭勃及陳武帝誅僧辯僧愔陰欲圖瑱而奪其軍瑱知之盡收僧愔徒黨僧愔犇齊典略魏恭帝三年正月初僧愔與瑱共討曲江侯勃至是吳州刺史羊亮說僧愔襲瑱而翻以告瑱瑱攻之僧愔犇齊凡此諸說莫知孰是今約其梗槩言之

四月侯安都襲齊司馬恭梁書云壬午安都襲恭按長曆是月乙巳朔無壬午

五月齊人許許退師典略云五月齊主在東山飲酒投杯赫怒召魏收於前立為制

書欲自將西討長安令上黨王澳將兵伐梁於是澳南侵按梁陳北齊帝紀及澳傳皆無是事今去之

侯安都擒齊乞伏無勞南史作乞伏無勞今從陳書

十一月齊併省一百五十三郡北史作五十六郡今從齊書

十二月齊築長城去歲六月巳云築長城而地名長短不同不知與此為一事為二事

北齊書北史皆然今兩存之

陳紀上

高祖永定元年二月蕭孜勃之從子陳書南史周文育傳皆作十今

從梁書帝紀

南江州刺史余孝頃典略作南康州刺史今從梁書

十月侯安都等大敗典略云乙亥安都敗陳書云是月敗績按高祖以乙亥受禪安

都聞之而嘆豈同日乎今從陳書

二年二月沈泰犇齊北齊帝紀在八月今從陳帝紀

三月齊司馬消難降周北齊帝紀四月消難叛今從周書典略

齊主自晉陽還鄴

北齊帝紀天保七年八月帝如晉陽不言其還八年四月帝在城東

馬射敕京師婦女悉赴觀是在鄴也此月又言至自晉陽六月乙丑帝自晉陽比巡則又復在晉陽必有

差誤今不敢增損

王琳奉梁永嘉王莊即帝位

北齊帝紀十一月丁巳琳遣使請立莊仍以江

州內屬令莊居之十二月癸酉詔莊為梁主進居九派今從陳書及典略然陳書典略皆云立莊於郢州按琳時在淦城蓋如居江州後遷郢州耳

十一月齊主刺尉子輝

北史作子耀今從北齊書典略

齊常山王演因諫誣被毆

北史孝昭紀云文宣賜帝魏時宮人醒而忘之

謂帝壇取遂今乃環亂築因此致困今從北史王暕傳

世祖天嘉元年二月侍中袁泌

北齊書作長史泌今從陳書

齊常山王演出歸第

北齊書孝昭紀云除太傅歸尚書朝政皆決於帝月餘乃居藩

邸今從楊愔傳

可朱渾天和道元之子

典略云道元弟今從北齊書

武衛娥永樂叩刀仰視

北齊書作領軍劉桃枝今從北史

二年正月合州刺史裴景徽

北齊書作景暉今從陳書

三年正月周遣杜杲送安成王頊南歸

典略作杜果今從周書

閏二月改鑄五銖錢

隋志在天嘉五年今從陳帝紀

九月丁亥詔安成王頊代吳明徹攻周迪

陳書帝紀云丁亥迪

請降詔安成王諱督衆軍以招納之今從南史迪傳

四年正月齊魏收除名

北齊書帝紀正月乙亥收為僕射已卯除名相去五日不

容如此之速恐誤今去其日

九月周楊荐使突厥復命典略在保定二年按王慶傳云是歲乃與入并之役

故置於此

臨海王光大元年二月安成王頊欲收韓子高毛喜

止之陳書文沈后傳云安成王既專沈太后憂悶計無所出乃密賂宦者蔣裕令誘建安人張安國

使據郡反冀因此以圖高宗安國王覺竝為高宗所誅時后左右近侍頗知其事后恐連逮黨與並殺之

按后欲圖高宗而令安國據建安反理不相涉且后若實有此謀高宗既立后豈得自全今刪去

到仲舉韓子高賜死陳書子高傳死在光大元年八月按華皎傳子高誅後皎始謀

叛帝紀此年五月皎已謀反又慈訓太后令先言劉師知子高誅後乃及余孝頃始與王伯茂傳師知等

計後伯茂乃進號中衛然則子高傳誤也

六月齊封皇弟仁直為丹陽王北齊書帝紀名統今從列傳

九月周元定以步騎數千圍郢州陳帝紀云步騎二萬蓋夸誕之辭今

從周帝紀

徐度執元定盡俘其衆陳書云獲萬餘人馬四千匹亦恐夸誕今不取

資治通鑑考異卷第七



資治通鑑考異卷第七

三

